

ديوان
شباك النبي
ديوان باللغة الثالثة

للشاعر / إبراهيم رضوان



حقوق الطبع والنشر محفوظة
لدار الأديب للطبع والنشر والتوزيع



اسم الديوان	شباك النبي
اسم الشاعر	إبراهيم رضوان
رقم الإيداع	(٢٠١٨/١١٢٧٨) بدار الكتب المصرية
الإخراج الفني	دار الأديب
الغلاف	من تصميمات الدار



الإهداء

يا هادي .. نادی .. فی كل وادی ..
بقلب راضي .. وجو هادی .. علی الأنام
خلى الزحام .. إسلام .. بیروی الأرض ..
دايما حب .. يا مسك الختام
واشفعلی . لو زادت ذنوبی ..
وكان حسابي عسير .. وكنت بدون سند
واسقيني من إيدك .. يا شمس الحب ..
" شربة ميه .. لأجل تكون مدد
خد إیدی .. وافتحلی ببيان الجنة ..
لأجل أعيش في نورك للأبد
يا اللى انت أعظم من ديوانی ..
واقولها تانى يا طه .. أكبر م الكلام

الشاعر

إبراهيم رضوان



دعاء لشقيقى فيصل رضوان

من قلتك .. قلبي ارتوى ..
من قلتك .. كان الصفا
فى الروضه صلينا سوا ..
يا نور عيوني يا مصطفى
قلبي رسمته ع المقام ..
يا حبيبى نسمة حنيه
زهرة وألف جناح يمام ..
وسلام ورعشه وسوسنه
يا اللى انت أكبر م الكلام ..
واللحظه فيك مليون سنه
فيصل .. مازال محتاج دوا
إبعثله من ربك شفا

إبراهيم رضوان

[(شباك النبي)]

كان سيدنا رسول الله الهادي ..
لما يجلس جوه المجلس ..
كل عيون اصحابه يبصوا عليه
فجأه .. ويدور النور حواليه .. أبيض شفاف
يتبسم .. يوصل نور البسمه..
لآخر واحد فى القاعدين
فيشاور ليه
ويمد إيديه بالتمر .. ويسحب إيده بسرعه ..
لما يحاولوا يبوسوا إيديه
ويطبطب تانى على القاعدين .. فيصلوا عليه
ويصلى معاهم على سجاجيد الوبر الخشنه ..
يصلوا وراه ويصلوا معاه
يوصلهم نور الله



يقعد .. وشفايفه مازالت حاضنه حروف
ومازال الخوف .. على دين الله دايمًا موجود
يا اساس الجود .. والنور .. والخير
بيشوفك طير السما مرجوف
خارج م الغار
يصبح ازهار .. فى طريقك ..
يصبح صوت مسموع
ما تحسش جوع ..
لكن بتحس بجوع الغير
يا ضمير بيعلم كل الناس ..
إزاي يرتاح
وياك مفتاح .. لجميع أبواب الكون
بتكون فى العون .. لاجل المحتاج
التاج على راسك فين ما تروح
يا حبيب العين .. والروح .. والناس



فى عنىك إحساس بقلوب شافىك

وبىمشى معاك الصاحب ..

تلقى الكل وراك ملهوف

وتشوف على بعد الشوف أيتام

فتوصى الكل عليهم .. لاجل الناس تراح

دايما سواح

بتزور الجار مع جار الجار

وتحذر كل الناس من نار .. فاتحه الأبواب

قندىلك عمره ماغاب يارسول

يا إيمان موصول

وأمان مقبول

وحنان بىحول كل السكه سيول .. لاجل

العطشان

السنتى معاك مليون فدان

والمتر معاك فدادين .. فدادين





والدين فى حماك مرسوم يا حبيب ..

على كل جبين

صابرين الناس وياك صابرين

وألاف يكونوا معاك ملايين

ولا حد ببسأل ليه أو فين

علشان الكل .. مسلم نفسه يا طه إليك

الدمع ببسبح جوه عنيك

والنمل ونخل السكه العالى ..

فى لحظة شوق بيصلى عليك

الله فى خروجك بره الغار ببسمي عليك

ويصلى عليك

إختارك لاجل تكون قنديل

لهداية ناس دايمًا حواليك

يا أمان .. وإمام .. على كل الكون

وحمايه .. لقلب فى عز النوم بيفكر فيك





بیشوفک نجم اللیل سهران ..
یسهر ویاک .. وبشوق ینادیك
یناجیک البدر .. یصلی معاک
ملیون بیبصوا لیلاتی علیک
ویسموا علیک والصوت مبجوح
ویقولوا بأنک روح الروح
وانک عدنان
جایب قرآن للناس موصوف
من صغرك .. وانت هلال ملهوف ..
تصبح قنادیل
بتدوس ع اللیل لو ناوی یطول
الله یارسول العالم دایما لو یحтар
إنسان مختار
من رب العزه .. ورب الحب .. ورب الناس
إنسان .. إنسان



ماشى ع الارض بدون ماتخاف ..

زى القرآن

قادر تتحدى الباطل .. تقضى على البهتان

وتكون الشئ دائما باصول

ع السكه الطاهره صنم مقتول ..

مع كافر لسه يببكي عليه

وطريق التيه .. حاضن فى آلاف وآلاف

وعاهدت الله إنك ما تخاف

زراع فى ضفاف مليان أزهار

أشجار السكه .. بتسجد طول الليل وياك

وبتتهجأك يا حبيبى آيات

وصراط على نور والناس ماشيين

على فين يارسول الله على فين

والكل وراك

أقصد وياك





ماشى فى حراسة ألف ملاك
بتدوس شياطين
بتقول للناس .. إننا من طين
راجعين للطين
يا حبيب الله والروح والعين
كتروا الملايين
فى جميع أنحاء الدنيا ..
بيقروا معاك دايمًا قرآن
وإتفتحت ليك يا حبيبى بيبان ..
علشان ترتاح .. وتنام مرتاح
ربك ستار .. ربك فتاح
ولا مال القلب لغيرك يوم
ولا يوم إرتاح إلا برؤياك
وياك الصبر على الشياطين ..
والنار والويل



وياك يا حبيب القلب دليل ..
إن الستار دائما موجود
يا اساس الجود فى قلوب وقلوب
خليت كفار السكه تتوب
وتدوب فى ضياك
دا لأن الرب يا طه معاك
وانت الإنسان
صافى الوجدان .. وجميل الشوف
الناس ع السكه صفوف وصفوف
عاشين فى دفاك
والقلب معاك .. وجميع الناس ..
تسمع فى نداك ..
فتجيك لاجل تشوف النور
كاره فى الزور
وبتكراه أى صنم موجود



يا أساس الجود ..والخير الزايد بين القوم

بتقوم من نومك ..

تقرا الآيه بصوت حساس

ويجيك كل الناس يا حبيب ..

بحروف إخلاص

إيدك تنباس .. وجبينك فيه الضى نجوم

بتحب السائل والمحروم

وتخلى الدنيا تدوم .. وتعود ..

فى بحور ألماظ ..

لو صاحب عاز لازم تعطيه

لو حتى جيوبك فاضيه ..

ولسه البيت يارسول محتاج

إخلاصك تاج ..

واضح كالشمس فى أحلى نهار

وليلاتى يجيك طول اليوم زوار .. زوار



تبتسم الدار لضيوف ملايين
جواك يا حبيبي المولى حنين
يبقى الإسلام فى الكون مشروع
الله يا دموع التقوى ..
ان بانث فوق الخد ..
لحد الضوء ما يبان
الله يارسول عدنان موجود ..
بين الخلان ..
لغة القرآن وكلامه بفضل المولى حديث
الله فى جلسه يا طه جليس
والحب ونيس
الله على أحلى رسول بيقول ..
إن قال بيشوف العالم دايمًا عرض وطول
يسكت .. فتنام القاعه .. ينام الكون
يتكلم .. يصحى الكل يقول



فجأه ويمام النخله يقول الله الله يا رسول
الله الله الله الله

ولا واحد إلا بقولك تاه .. فى لىالى الضوء

ولا واحد إلا ما طار على فوق

يا رسول الضوء لليوم الجاى

ولاحد ها يهمس ليه وازاى

دا لأنك إنت أتيت من رب قدير وكبير

أصبحت مجير لىتيم محتاج

قدمت التاج لعباد صابرين

دا لأنك عبد أمين ..

وكريم من رب كريم

ماشى والكون بيقول تعظيم ..

لآيات قرآن

تمشى .. والنور الدافى بيمشى وراك

يارسول





يشبه لطوفان

وتقول وتعيد .. وتعيد وتقول

أنا ليكوا رسول من عند الله

أنا جايب ليكم توبه ..

وجايب بحر نجاه

الله الله الله الله

ماشى والأرض معاه بتقول

الله الله الله الله

وتردد كل حديث

الحرف بيصبح ليينا ونيس

من بعد ما دوسنا على الأصنام

ماشى لقدام رغم العقبات

رغم الكفار الواقفه تراقب بيتك ..

لاجل بنار يؤذوك

لاجل يخلوك ..



ترجع عن دعوه شريف يا عبد الله
القلب لا تاه .. ولا كان خواف
زارع لكل ضفاف وشطوط
وتفوت على كل الصحبه أمين ..
و ملاك مبعوث
دايس على غول الباطل دايمًا والخرافات
أصنام يا حبيبي في كل مكان
بس القرآن ..
سيطر على كل صحابك ..
سجدوا بدون حراس
والناس بتبص عليك يا حبيب
بصة إخلاص
مشتاقه تبوس في عبايتك ..
رغم وجودك بين ملايين
يا حبيب الروح والعين والنور



مش شاعر أبدا .. ولا مسحور
ولا كنت فى سيرك غير مبعوت
من رب القوم
ولا يوم جربت النوم مرتاح
غير لما هاجرت لأغلى مدينه ..
هروبا من كفار كفار
لك جوه قلوب الناس أشجار ..
ومحبه ودار
لك الف نهار ..
بيدسوا الليل وياك يا رسول
ماشى على جسر أصول .. بتقول ..
إن الرحمن .. رحمن على طول
باعت قرآن لرسول ملىان ..
بإيمان وضمير
لو شافه الطير ..



بيسبح طول الليل وياه
ويشاركه مناه ولقاه .. وضياه
الله الله الله الله
خليكوا تقاه ..
المؤمن فيكوا ..
بيحمل جوه ضلوعه حياه
ورسالة بلون النور لو زاد
جايب قرآن علشانكم زاد
وتلف بلاد .. تفتح في بلاد
بالحسنه لايمكن أبدا .. أبدا..
هانشيل سيف
تقسم في رغيص الصبر ..
على الواصلين وياك
ويشموا شذاك
يرتاحوا من المشاوير في الليل

الدرب طويل يا رسول الله والجو نشاز

مشوار دايما مليان بقراز .. يا حبيب الروح
وبتمنع لازم فى الممنوع
وبتسمح دايما فى المسموح ..
وتدور ع مجروح وحزين ..
علشان يا أمين تقدر تدوايه
وتبارك كل قلوب الناس
الوقفه معاك رغم الاخطاء
رغم الكفار الواقفه فى كل مكان ويبان
جواك ألحان النور والخير
تعطى للغير كل اللى معاك
تقرا القران والناس وياك
ولا يعلى الصوت أبدا يا حبيب
يا طبيب الأمه .. وروح الدنيا ..

وقلب الضوء

ماشى على وضوء

وتصلى يا طه فى كل مكان

حاضن فى بيان .. خالد .. محفوظ

بالجنه يفوز كل اللى معاك

ساند فى خطاك

ومخلى كلامك يطلع فوق .. كل الكافرين

يا أساس الدين .. وحماس لرسول ..

مخلص وأمين

مبعوث من رب مجيد ومعيد

تمشى .. فينور كل الكون بضياك وسناك

وياك يا حبيب الكل ملاك ..

مع ألف ملاك

حارسين فى خطاك ..

دا لأن المولى معاك على طول



فى طريق الشوك

لسه بيأذوك وبيرموا عليك ..

حجر الأباطيل

والدرب طويل على ناس صابرين

تتنهد ..

كل جبال الدنيا يا طه تئن وراك

وتلاقى الكل فداك على طول

الله يا رسول

الله على سكه بتستناك

وبترمى عليك شال الإخلاص

مكه .. والناس يا رسول مش ناس

لكن وياك يا حبيبى .. خلاصة كل الكون

المولى حبيبك .. كن فيكون

والكافر جوه عيونه جنون

بيحاول إنه يدوس .. ويدوس





على دعوه شريفه بدون تفكير
الرزق فى أحلى مدينه كثير
وأخيت بين كل الخلق هناك
ولولاك يا حبيب ..
كان عمر نهار الكون ما يبان
كان كل العالم ..
يفضل عايم فى البهتان
ويعوم فى الزور
شلال من نور ساكن فى عنيك
نلاقيك يا رسولنا فى كل مكان ..
واقف ملهوف ..
ومفيش جواك ولا ريحة خوف
ولا رعشه تخلق الضعف يبان
نايم .. والفكر فى خلق الله ..
ونعيم الله



بتكون الضوء لو واحد تاه
وبتشرب قول الله بحنان
تتبسم .. يملأ القلب ريحان
ما انت العدنان .. وانت المحروس
مبعوث من رب الناس يا حبيب
الله خلاك للدنيا طبيب
ومفيش فى الدنيا طبيب إلاك
تتوضى بضى نجوم مبهوره بسحر سناك
الأرض بتسجد للرحمن دايمًا وياك
وبيسجد ميت مليون إنسان طاهر وملاك
تسند على كتف الصاحب لاجل يا طه تقوم
مع إنك قادر بس بيفرح صاحبك ..
لما يساعدك دايمًا يا إنسان
الكل يقوم فى ثوانى معاك
تخرج والكل يمشى وراك



وتبص لطير فى السما مطلق
فتقول سبحان الله.. الله..
على كل جناح مرسوم بالشوق
ع الشمس الدافيه .. تبص لكل سحابة ضوء
بتضلل فوقك وقت القيظ
كاظم فى الغيظ .. ورءوف وحليم
وكتير فى صفاتك من أسماء الله يا حبيب
لا قدرت فى يوم تدخل فى الغيب
ولا كنت فى شرعك غير إنسان
والرب بيوحى بنوره عليك
الدعوه حرير يارسول فى إيديك
والآيه فى ضئى عنيك قناديل
تهمس والحرف يكون تراتيل ..
من نور المولى وضوء الخير
الكل دا كان للكفر أسير



والكون بيسير نحو الإعصار

دا لحد ماجيت ..

تحمينا وتحمى الناس م النار

بتنادى بقسوه على الكفار

كان دايمًا ليك الليل ستار ..

والمولى حماك

وبيبعت ليك جبريل فى الغار

تتزمّل عند خديجه الصابره يا طه هناك

والعايشه معاك على فين ماتروح

بتداوى جروح فى الروح يا رسول

وتقول وياك .. الله موجود

وأساس الجود

وتطبّطب إيدها عليك بحنان

الخطوه معاها بميت فدان

والكلمه عليها بألف ديوان





تخرج م البيت فتسلم كل الدنيا عليك
تراعيك يا حبيبي في كل طريق
أبو بكر الطاهر لك صديق ..
وأمين وحبیب
وابن الخطاب بيدوس العيب
يكتب مكاتيب .. يبعثها قوام
الدين يا حبيبي ماكانشى حروف ..
دا أمان وسلام
وبيوت إخلاص ماشيه لقدام
في أيديهم غصن زتون وملون
الله بيقولك .. كن فتكون .. قد المشوار
وإمام الكون نايم .. في الدار
إنسان مغوار ولا خاف من شئ
ابو بكر معاك يارسول في طريق
مليان أخطار



الصمت فى كل مكان قنطار

والرب إختار ..

أصحابك واحد واحد .. كل الصحبه يا طه

رفاق

لو لحظه طريقك ضاق ينادوك

بالروح .. يفدوك ويصلوا عليك

يارسول الله تفديك الروح

بتداوى ضمير انسان مجروح

وتروح للمولى تجيب فى دواه

و دواه يا حبيب القلب آيات

حسنات فى قلوب كل الاصحاب

ينفتح الباب ..

نلقاك قرآن وحديث وثبات

ينقل الباب .. فتلاقى الكل بيستناك

عصافير السكه وشجر اللوز





وحمام كان قبل النور مهزوز

وفروع أشجار بتحن إليك

وبتنده ليك .. توصلها هناك

تلمسها بإيدك ..

كل الشوك يخضر معاك

الله وياك جوه المشاوير

ماحتاجتش يوم أبدا للغير

ولاغير الله يا حبيبي اعطاك

ربك معطاء

إعطاك أسماء

وإعطاك ملايين بيصلوا عليك

بيبوسوا عنيك جوه الأحلام

يارسول قدام كل الماشيين

يا عزيز ع العين وحبيب للروح

بينادي عليك زهر البستان





وحمام الدوح
والناس مشغوله بنظرة شوق ..
من أحلى عيون
بتصون العهد ..
وتوفى عهودك مهما تكون
تسجد على كل مكان ممفروش ..
أو مش مفروش
وتزور الكل ..
وتسأل دايمًا ع الأصحاب
لو غاب البعض .. تزوره
وتسأل عنه
لحد ما يرجع تانى يا طه يبان
إنسان جواه دايمًا إنسان
ورسول مسؤل عن كل الناس
فى الفجر .. ضياء طاهر مكتوب



فى الضلمه قمر للناس وناس
إيدك تنباس .. فتشد الإيد
يا فواكه نور قبل المواعيد
يا لىالى العيد للقلب ان كان ..
مجروح وحزين
الله يا أمين على عهد الله
الله الله الله الله
البدر فى حضنك ..
زايد حسنه وما أحلاه
فرحان بضياه
فرحان يا حبيبى لأنك أعلى وأحلى نجوم
يا رغيف مقسوم .. بين كل القوم
يا بحور إحساس بتحب العوم
وشموع بتقيد فى لىالى الشوق
بركانك مع قرآنك ..



لسه بيطلع دايمنا لفوق
يقطف فى الضوء
ويعدى النهر سبع مرات
الله يا آيات النور والخير
بتنام .. فينام البدر معاك .. فى سريرك ..
تصحى تلاقى النور والشوق موجود
تجنى فى غصون المنى الجود
وتعود والجيب بالخير مليان
تسهر وتردد فى القرآن
تمشى فتلاقى سفينة مكه بتلمس (جنبك)
يفرح قلبك لما تشوف الكون مجاميع
الله على زهر النور يا ربيع
الله على وحى لا يمكن يوم أبدا هايبضع
الله بينادى عليك يا شفيع
الله ع المؤمن لو يشتري دايمنا ما يبيع



الله ع الهادى حبيب الأرض ..
حبيب السما والنور والكون
الله على مجلس فيه اتنين
أو أكثر لكن فيه ملايين
الله يا سراج الدين يا عزيز
يا قريب م القوم
يا معين للسائل والمحروم
وحزين لو شوفت القوم خافين
كفار واقفين .. ماسكين فى سيوف
وحروف قرآن مش قادره تطول ..
كل المسافات
خرافات بتسيطر ..
رغم ظهورك بين الناس
وشيطان خناس بيصول ويجول
ويقول للقوم ..

إنك مش مرسل م الرحمن

ومفیش رحمن

هى الاصنام الصامته الخرسه إله الكون

ولا كونت وحيد أبدا يا حبيب

دا لأن أيات الله فى العون

بتصون فى حقوق الجار .. والدار

ومعاك الواحد بالمليون

بيسود الدين يا رسول الله

ويكون نجمايه فى كل مكان ..

ولا لحظه يهون

ومازلت بسيط التوب ..

والمأكل والأحاديث

ومازلت بصيص من نور بيزيد

ومازلت لكل رفاقك عيد

قاعد وياهم تسمع .. ليهم

مهما يكونوا يا طه كثير

عمرك ما زهقت ..

او اتقلقت ..

ان طالت بيك القعه فى يوم

علمت الناس الصبر منى على المجهول

وازاي لو جينا .. نقول .. بنقول ..

الكلمه الحق .. ونبعد روحنا عن الأباطيل

الحرف الواحد م القرآن ..

أصبح قناديل

والآيه نجوم ..

سهرانه مع اللى يصون ..

ويكون .. فى العالم نور

والسوره شמוש ..

بتدوس على صنم الزور والخوف

وتقول .. وتقول .. وتقول .. وتقول



ولا تتعب يوم أبدا م القول
ولا تيأس مهما يزيد الهم في ليله عليك
أوقات بتداری دموعك عن أصحابك ..
بس خديجه تشوفها ..
فتمسح لك الخد بتوب في السما منشور
وتقولك .. ليه وانت المنصور ..
من عند الله
الله الله الله الله
على إيدك لما تطبطب دايمًا على مساكين
على ألف يتيم ..
نايمين في سريرك ليل ونهار
على قدمك لما تدوس كفار
على سحر عنيك ..
لو بصت دايمًا على محتاج
على تاج الضوء .. لو فوقك بان



على كل مكان يتجمل ببك ويصلى عليك

على مهر يبيجى إليك ملهوف

على بدر بيفرح ..

لو سهران وياك فى الليل

على شمس بتهدى ان شافت قدمك ..

فوق طرقات

على قلب وكله ثبات قدام .. كافرين خاينين

الفرد خلاص أصبح ملايين ..

واكثر يارسول

وقدرنا نقول ..

إن الستار دايمًا موجود ..

وإن اللى فى روحنا لابد فى ليله .. حب

يسود ..

وإن الإسلام من بعدك لازم يوم هايعدود ..

ومعاه الخير





الصحبہ کثیر فوق الطرقات
والصوت يا حبيب وطبيب الكون ..
بيحرك جدا في الأموات
وان الصلوات ..
مفروضه بحب على السكان
بتبان يا حبيبي في كل مكان
وكانك سيل الخير ..
القايد نور وإيمان
وكانك ليه وانت العدنان
والمرسل .. والمدثر .. والمزمل ..
واللى هايفضل خالد دايمًا في الأزمان
ماشى ومعاك في الليل قرآن ..
بتردد فيه وتصلى تملى وهو معاك
خليت العاصى يا طه ملاك
علشان ما يكون .. صابر وياك





علمت الناس ازاي . تلتاك ..
لو راحوا لأى مكان موجود
يا أساس الجود
والكرم الزايد ع المخاليق
لو أى مكان بيضيق ويضيق ..
بتوسع فيه
وتصلى عليه
يكبر ويساعى جميع القوم
والسائل والمحروم وياك
فى جيوبك تل دقيق وعقيق
والنخل العالى فى كل طريق
والشوق لمقابلة رب كريم
بتلاقى فى كل مكان تكريم
فى الساحة بتلقى الراحة معاك
ونقول وياك سورة الرحمن



الله ع الليل لو كان قرآن ..

بعده الأحاديث

جبريل مع كل الصحبه جليس

تدخل على كل صحابك ..

فجأه الصمت علينا يدوس

فى المجلس .. تجلس ضى مهيب

وكان الطير طائر حواليك

وكان الحلوه عنيك .. يا حبيب

مسجد هايساعى صحاب قاعدين

ولا عمرك يوم مديت رجليك

ولا عمرك حتى شاورت لحد بشكل مهين

ولا صوتك أبدا كان يا رسول ..

أعلى من صوت أصحاب قاعدين

تُنظر على كل الناس بحنين



وتبص عليهم واحد واحد .. تفرح كل قلوب

الناس

قلبك حساس .. صوتك إحساس

وان داس على صاحبك حد غريب

تغضب يا حبيب .. لكن بهدوء

وترجع حق الصاحب قبل ما ناره تقيد

تجلس فى المجلس شمع الحب يا طه يقيد

وتفيد الكل بنور أحاديث

أحاديثك وحيى يا نور الله

وهدايه لناس .. محتاجه تكون ..

فى حماية رب رحيم ومبين

تنده يا أمين ..

على كل اصحابك ييجوا إليك

يتلفوا زهور من نور حوالبك

تتبسم ليهم بسمه حب و ود وشوق





الليل يملأه يا حبيبي الضوء
ويغنى الطير.. النائم .. لسه على
الاعصان

ويبان الفجر بشكل رقيق
يا طريق مليان بحروف ألماظ
لو عاز القلب بيجى إليك
ويطوف وياك بين الاحباب
ينفتح الباب .. على احلى نسيم
علي ورد مفتح ع الجنين
وعليك يا أمين
تخرج من دارك ..
زاد مقدارك عند القوم
تدخل فى النوم
النوم يتشرف بيك
تدخل فى المسجد



يوسع ليك المسجد ..
لاجل يساعى آلاف وآلاف
تهمس فى الخطبه بصوت مبجوح
(مش عايز أبدا حد يخاف
مين قال يا حبايبي إن السكه عجاف ؟
موجود للبرد لحاف
موجود للصهد نسيم مبلول)
الله يا رسول على كل حروفك ..
كل كلامك للعشاق
الليل مشتاق ..
لحديثك لاجل ينام مرتاح
ياالى انت معاك مفتاح للجنه ..
وباب الفرج الواسع والأشواق
العالم فاق ..
على كل حديث مبعوث للكون



الله فى العون .. الله وياك
سدد فى خطاك .. علشان نلقاك ..
ويانا فى كل مكان يا رسول
ومعانا وفيں ماتروح ..
موجود ..
وتكون الخير .. وتكون الجود
وتكون قرآن ع الكون بيسود
ويعود منصور
شلال النور فى عنيك أنهار
ونهار بينادى على التايهين
(رايعين على فين يا عباد الله
يا عباد الله رايعين على فين
الله بينادى على التايهين
وعلى الحارين فوق الطرقات
بآيات وبنور وحروف أحاديث



الكل لهادى الكون وحديثه تملى جليس

وونيس للعاشق شرع الله

خليكوا معاه

الروح تلقاه يا حبايبي طريق

وحبيب و وليف

يعطينا فى جوعنا رغيغ مفروود

يتقسم دايمآ ع العايزين)

تخرج م المسجد..

شارد ليه يا حبيبي يا أمين؟

بتفكر ليه وفى إيه يا رسول ؟

بتفكر فى الإسلام

وبأنه هايرجع تانى غريب

بتفكر فى اللى مازالوا هناك

عابدين أصنام

الله يا سلام .. على كل الأرض ..



ونور فى السما والكون مطلق

الله ع الشوق ..

لم بيتحول زهره

بتحضن بابك ليل ونهار

الله ع الدار ..

لما بيدخلها آلاف وآلاف

من غير ماتخاف أبدا لا تضيق

الله على كل صديق وصديق

جايلك علشان وياك يرتاح

وسماح يارسول ..

وسماح .. وسماح ..

لو فيه تقصير

الله يا حبيب ومفيش تغيير

النيه بان الحب يسود

ويعود الخير

النيه بان الليل ينزاح ..

مع ألف نهار

تحضن فى الجار لو حتى أذاك

النخل يطاطى ..

فتقطف بلحه تقضى يا طه جميع الناس

قلبك حساس .. وهواك إحساس

وان كان ع الناس ملهوفه عليك

عايزين يفدوك ..

يا حبيب المولى وشمس الدين

ملايين .. ملايين .. ملايين .. ملايين

جايين علشانك ..

لاجل يببيعوا رسالتك رغم سواد الليل

جعلوك ع السكه الطاره دليل

واختاروا كلامك لاجل يكون دايم نبراس

يا أساس الحكم العادل بين الناس والناس



وأساس فى الدنيا لألف أساس

دوست الأنجاس

وقريش يا حبيبى مازالت رافعه عليك السيف

والجو مخيف

دا لحد ما آن للنصر أوان

إنتشر العدل ..

وكان وياه الحب المطلق ..

جوه العالم بالقرآن

أصبح للبيت يا حبيب جدران

وبيبان مفتوحه لكل القوم

وأخيرا.. جوه مدينه النور والخير يا أمين

جربت النوم

وبقالك جيش ..

قادر على غزو مقدس للخائنين

وبقالك سهره مع العاشقين ..





لضياك على طول
وبقيت يا رسول ..
القدوه لعالم تايه دايمًا فى الخرفات
الليل بيكون وياك حكايات
وآيات بتنضف فى الطرقات
وسجود على خيش جوه الصلوات
ياللى انت لرب العزه جليس
الليل بيكون وياك فوانيس
والوحى معاك يصبح أحاديث
يا رسول الله .. إنصح .. سامعين
حافضين وياك كل اللى اتقال
تبعت يا رسول أصغر إنسان .. علشان
مايروح ينده لبلال
ويعود لحماك ويوشوش فيك
فجأه وأدان الحق يبان



فتقوم بهدوء مخلوط بهدوء
الراحه وضوء
" الميّه لآبد تحافظوا عليها
حتى ان كنتوا فى نهر فسيح
والله صحيح الصبر مريح
فاصبروا ترتاحوا من القلقان
واقروا القرآن .. بكره الرحمن هاكمل فيه
دى قلوب الكل بتسعى إليك
وبتحلم بيك واقف قدام
ع الكل إيمان .. ورسول مبعوت
يارقيق الصوت
وجميل الوجه ..
وصاحب أغلى كلام وكلام
دخل الإسلام ..
وياك لأراضى الكون بسلام



ف صبحت مدينه .. حب بتحضن فى
الأصحاب

وفتحت الباب .. للخير والنور
وزرعت زهور الحب .. الصافى الدافى
فى أرض البور

ربك علاك خلاك .. منصور
واعطالك أغلى رساله ..

بتقدر تهدى قلوب وقلوب
العاصى ان شافك يوم .. بيتوب
ويدوب فى آيات حاضنه الاحاديث
الله وياك يا حبيبى جليس
ساند فى خطاك

وبيبعت ليك جبريل بكتاب ..
تهديه للناس

الله يا قمر وناس حساس



مليان إحساس
مليان بالخير
نور القران .. تهديه للغير
وان غنى .. الطير
بيغنى عشان نورك شفاف
لو حتى اللقمه فى إيدك حاف ..
بتكون فرحان
تديها لأى جعان موجود وتبان نشوان
علشان .. جبريل جالك فى الغار
بترحب دايمًا بالزوار
وتقابل كل غريب الدار
وياك الله .. يا حبيب يا طبيب ..
فوق الطرقات
جوه الصلوات
ويا الحسنات



بتبات على فرش الخيش يا حبيب
وبتاكل دايمًا أي فتات
لا حلمت تكون سلطان ع الكون
وبقيت في العون
وبتمشى طريق النور بثبات
وتبارك دايمًا في الأحياء
تترحم دايمًا ع الأموات
ولا تسمح أبداً للأصوات تعلى يا محمد ع
القرآن
في الليل سهران
وتقوم من نومك ..
لاجل تدق على الأبواب
تسأل ع الحال
ترتاح البال لو بوست يتيم
ربك يا رسول الأمه كريم



شايفك ملهوف

على آيه جديده ..

تضيفها عشان الروح ترتاح

سواح بين كل بيوت الكون

دايما فى العون

ولا عمرك ليله ظلمت قلوب

لو مذنّب صادفك يوم بيتوب

محبوب من كل قلوب الغير

فى الشده .. مجير

فى الحرب .. كبير

فى السلم .. حرير

بتقول للناس .. الرزق كثير

ولابد فى يوم نلقاه .. فى صلاه

الله الله الله الله

ولابد تكونوا يا اهل الله دايما إخوان



عارفين الدين دايمًا بصحيح
ويكون القلب الدافي فصيح
قدام كفار تايهين حايرين
الحب في كل مكان موجود
ولابد تعود لنا الخيرات
صلوات .. وزكاه .. وإيمان ..
وأيات جوه القرآن
تهدينا في كل مكان وأوان
وتاخذنا لحيث الجنة براح
الله لو كان القلب سماح
وإيمان مطلق
الله على شجر النور والشوق
لو تصبح كل فروعه حنان
بينادي بحب في كل اوان
وينادي في كل مكان وزمان

على خلق الله

الله الله الله الله

على بدر بيسرى سناه وضياه

جوه الأرواح الطاهره تملى بدون ما يخاف

الله على أغلى وأحلى ضفاف

حاضن فى نفوس وقلوب صابرين

الله على بدر وشمس الدين

لو تفضل قايده ..

لكل الماشى لحيث النور

مش ممكن تمشى الدعوه فى يوم ..

أبدا يا حبيبى طريق مكسور

شافك عصفور

كان واقف يذكر فوق السور

فنزل من شوقه إليك

زقزق فى سجوده بفرحه ..



وشوق وحنين وياك
إتوضى يا طه ببدر ضياك
كثروا العاصفير يا رسول الخير
أصبحوا ضليلة حب معاك
وتدوب فى سنائك
الكل يا روح الروح وياك
بيردد لسه معاك قرآن
وبيزرع كل الدنيا إيمان ..
وحنان و ورود
صاين فى عهود الكل ..
لأنك طه أمين
الفرد معاك يا رسول ملايين
والفرض معاك يا رسول ملايين
والخير بركان
ولا كائن كان ..



يقدر يا حبيبي يدوس الدعوه ويتحداك

من غير ما تنادي ..

فى كل مكان نلقاك حسنات

ومن شاهد خاتم فى الصلوات

وإمام مسؤل

طول عمرك دافى وقد القول

طول عمرك ماشى بعرض وطول

وجميع الكون ملهوف للقاءك

والرب معاك ..

فى الغار .. جبريل وياه مفتاح الوحي ..

وقلبه (موصل جيد) للمبعوت

ولا غير (الفاتحه) هاتصبح قوت

المسلم مسلم مش إرغام .. ولا بالنبوت (

المسلم قاعد لسه تملى فى مجلس نور

ومعاه على طول أعظم أستاذ





مابقاش فى السكه يا طه قزاز
ولا عاد فى القلب يا غالى سواك
ماشيين وياك كل المشاوير
وبندعى معاك دايمًا للغير
وبنزرع كل الكون بساتين
نسيقها بنهر النور يا أمين
ونقول يا حبيبى بحب معاك
الدين يا حبابى تسامح .. نور دايمًا
مبدور
مش كلمة زور
ولا سيف مسنون .. بلسان مسنون
الدين الصبح بيملأ الكون
أزهار على طول
الله يا رسول .. الله يا رسول
ع المسك ان بان لكل شذاه



ع الورد ان فاح مع أحلى نسيم
ربك يا حبيب الرب كريم
إعطاك مفاتيح كل الحسنات
وبعت جبريل .. يهمسلك جوه الغار بآيات
تسمع صلصله بتهز الكون
ولا شاعر أبدا ولا مجنون
ولا كنت فى يوم ملموس من شئ
قدامك الف طريق وطريق
واخترت الدعوه يا عبد الله
إخترت تكون فى الدنيا فقير
لكن فى عيون الكل كبير
ولا كنت أمير .. ولا جاه سلطان
كونت القرآن ..
ماشى ع الأرض بنور رحمن
وآلاف وآلاف وآلاف وآلاف



تفضل ذكراك..

دا لحد ما تفنى الدنيا .. ويفنى الكون

تفضل فى العون

أحاديث بتنور للى يعوز ..

سكك الواصلين

ولحد ما ييجى الموت يا امين

هافضل بقصايدى معاك يا حبيب

د لأنك كنت طبيب موصوف ..

للقلب عشان محتاج تشفيه

محتاج لحديثك ..

لاجل يحن يا طه عليه

ويهدد فيه

ويططب تانى عليه لو عاز

يا حروف ألماظ

بتصحى الغافل ..



لاجل فى ليله لربه يعود
يا أساس الجود والخير والضوء
طالع على فوق ..
والروح وياك يا حبيب الروح
ونروح وياك يا حبيب الروح
تمشى .. فتسمى الأرض عليك ..
بأنين شفاف ..
تتحرك يبقى الرمل ضفاف
ترقى .. فيبان الزرع الصافى فى أى جفاف
تتبسم .. كل الكون يتبسم تانى معاك
ويقول يا حبيب الروح والعين ..
ما أحلا لقاءك
وما أغلى ضياك
فاير ونجوم الليل عارفاك
بتردد كل الأيه وراك



نعطش ..النهر الهادى يهلل ليك

وينادى عليك

ويقرب منك ..

لاجل تبارك موج الخير

وتبص بفرحه على الأشجار ..

يبتسم الطير

ويردد تانى معاك فى حديث

الضلمه تصير وياك فوانيس

والبدر يكون فى الزحمه جليس

والكل ونيس سهران وياك

يا ملاك العدل فى توب انسان

كائن من كان .. بينادى عليك

ويردد جنبك فى القرآن

الله على ضىّ عنيك يا حبيب

وقت الإسحار





الله على دار الحب ان كان ..

دايما مفتوح

يا حبيب الروح

وياك هانروح مطرح ما تروح

وهانطرح ويا القمح أيات

صلوات الله

على قلبك دايما ليل ونهار

وديار مفتوحه عشان لقياك

تنعم بسماك

وضياك ولقاك ..

وتقول وياك ربك موجود

يوهنا الجود ..والخير ألوان

وان كائن كان ..

يظلمنا ندوسه بليل قبايل

يا شطوط النيل الساجده تملى لفجر الله





الله الله الله

ع العالم لما يسود ويعود

ويجيب الجود ..

لعباد الله قناطير قناطير

على طير بيشقشق ..

قبل الفجر بساعه ..

وقبل قدوم الخير

ومسير القلب يا طه ..

يلاقى هناه ومناه

يا حبيب للغايب والمحروم

ورفيق ليتيم .. بيدوسه القوم

تصحى من النوم ..

تلقى العاشقين وياك صابرين

ساجدين يا حبيبي على الجمرات

صلوات .. صلوات .. صلوات .. صلوات





حسنت تتجمع لنا يا طه .. فى أعلى
ميزان

الحق ميدان .. ملين مصابيح
وببان من زان .. تتحدى الريح
ورغيف علشان كل المجاريح
ويصيح الديك ..

فى الفجر لحد النور ما يبان
والصمت يكون فى لقاءك فدان
لك جوه قلوب الناس عنوان
ومكانك له فى القلب مكان
إنسان إنسان .. ويا الإنسان
والكل معاك بيقول بإيمان
إن المبعوث .. بالناس عدنان
وإن المختار .. بركان وحنان
ماشيه الأيام بالكل بتسعد فى العشاق



ورسولنا محمد..

ويا صحابه شايفهم فرداً فرداً ..

مادد إيده لإيدهم دايماً بالأشواق

قال طول العمر مفيش يا اصحاب ..

لا بعدادها يصيبنا فى يوم محتوم..

ولا حتى فراق

ويزول الداء ساعة ما نصلى فى ليله عليك

ونبص يا طه الحب إليك

نلاقيك يا حبيبى قمر فى الكون

ونلاقى القلب إليك مديون

دا لأنك كن فيكون أستاذ

حرفك ألماظ .. ونجوم .. وعقيق

ونقوم نلقاتك حارس على كل كنوز الدين

يا امين فى السما والأرض ..

وأحلى وأغلى أمين





جوانا حنين للقاءك يا رسول
جوانا سيول الحب سيول
ونطول وياك .. قمر الإسلام
ولا نلقى كلام ..
يا حبيبي نقوله في ليله عليك
دا لأنك اكبر م الأقاويل
ولأنك نيل مليون بالنور
يا زهور التقوى ..
وشط الحب وبحر الخير
يلقاك الطير
ماشى على جسر النور بثبات
فيقول الله
الله الله الله الله
على كل الدنيا صفوف و صفوف
واقفين على بابك عايزه تشوف





أنورك لأجل يا طه نروق ويروق البال
تتحسن بيك كل الأحوال
ونجبك جوه القلب وجوه الروح
يا حبيبي حنان وأمان وحنين
ونحس كأنك باصص لنا لفوق يا امين
فيبان الدمع فى ضى العين
ملايين ملايين ملايين ملايين
بتحن إليك وتصلى عليك
تفتح شبائك لأجل تبص على العاشقين
وتشوف الناس اتنين اتنين
الواحد واقف بس معاه ضل الرحمن
انت الإنسان
وانت المشاوير فى طريق رحمن
وانت اللى بتدعى جميع الناس
علشان ماتوحد رب كريم



كان ماشى معاك فى طريق ملين دايم
أشواك

كان باعت لاجلك ألف ملاك

يحرصوا فى خطاك

ويقولوا مفيش قنديل إلاك

يا حبيب الله بالحب اعطاك

نورك وضياك

دا لأن الرب إختارك دايم دون الناس

علشان ينداس ميت ألف شيطان

مجنون خناس

قولك من ماس

وهواك بيhez القلب يبات فى أمان وحنين

ولا عاد فى القلب يا طه أنين

ولاعاد هاضيع

ياربيع الدنيا وفجر العالم ..



لاجل يعود دائما للدين .. يصبح موجود
ويسود الحب مابين ملايين ملايين
تخرج رياحين الود تملأ لكل الكون
الله بيصون سكك التايبين
ونتوب وياك دائما يا أمين ..
وندوب فى هواك
القلب معاك على فين ماتروح
وجروح الروح بتطيب فى لقاك
نفتح شباك الدعوه ننادى على المشتاق
ولا بيننا وبينك أى فراق
دا لأنك جوه الروح موجود
بتسود .. وتعود
تصبح للأمه الطاهره طيب
يا حبيب المولى وشط الضى ..
ونور الله ..





الله فى علاه

شايفك بتنادى لكل الناس

شايفك بتردد فى القرآن

وتنادى لكل الدنيا عشان الحق يبان

مانت الإنسان المرسل طاهر م الرحمن

يا بيان ببيان فى ضلام الكون

وكلام فى العون ..مليان بآيات

ماشى بثبات بين الكفار

ولا همك نار الحقد فى قلب عيون الليل

صوتك قناديل

بتشد الحيل لو كان مهدود

وبتبقى فى دنيا الشوك رياحيين وزهور و

ورود

ويسود الحق تعود الكلمه لكل لسان

إنت المبعوث وانت الإنسان





وانت اللى ما كان .. غير قلب رسول
بيدق بفرحه على الأبواب
وبيفرح لما يقابل يوم إنسان كان عاصى
بروحه وتاب
وان واحد غاب
تسأل يا حبيبى على الغايين
يا حنين النور والحق مبين
بتهنى العين .. لو شافت لحظه ضياك
وسناك
وتروح للجنه فى لحظه معاك
يا نسيم مبدور دايم ع الروح
نورك على كل الكون مسموح
وتروح يا حبيبى ..
هايجرى الضوء وياك و وراك
الله هناك بألاف وألاف



وشجر صفصاف بينادى لضيك ليل ونهار
أنهار الحب تنادى عليك
توصلها وتغسل بيها إيديك
يتوضى معاك كل العشاق
تسجد على نور الله ومفیش ..
بينك وما بين الدنيا فرق
مشتاق مشتاق لحضور جبريل
جايب علشانك أغلى آيات
وتبات فرحان
تحلم بوصول الضى الدافى .. لكل الناس
يا أساس الحب الصافى .. إن كان
ربانى
وكان دايمًا موصول
يا رسول الدنيا يا جايب ليها بشاير خير
بيهل كل الطير فى لقاءك ..



وسحاب السما يقول وياك
إن الرحمن موجود
وإنك يا أساس الجود موعود
بالحب عشان
يستقبل قلبه حروف قرآن
يا رسول مشتاق
يتكلم ينصت ليه الكل ..
قلوب العالم والأبواب
جدران القاعه وصمت الليل والناس والكون
يتكلم بره القاعه..
تبص السما على أحلى لسان
يحلم سيّدنا محمد بالقرآن
يحلم ببيان ممدود على طول
دا لأنه رسول الدنيا وأعلى بشير
الشوك لو يلمس فيه بحنان





يتحول نور
وزهور وحرير
ويسير مع كل الصحبه
وفين مايروح
بيصير الكون قدامه نجوم
الكل معاه بيعوم فى ضياء
أحلى الأسماء ..أغلى الاسماء
إطلب ماتشاء
لو عايز حتى كنوز الدنيا هاتيجى إليك
لو عايز حتى سحاب الدنيا ييوس فى إيديك
هايبوس فى إيديك
لكنك رافض تبقي يا عبد الله .. غير عبد الله
الله الله الله الله
على الخطوه و سابت جوه الأرض الناشفه
ريحان



وحروف قران تهدي الملايين
وتخلي الدين يوصل لهنالك
الله على ضي ضياك يا شفيع
ولا لحظه هواك فى الكون هايضع
دا لأنك كونت ربيع العالم جوه الليل
ومازلت النيل الجارى فى قلب منايا الروح
تيجى وتروح فى القلب آيات
وتبات منصور
وتشوف عصفورك فوق السور
بيقول للكون لازم ترتاح
لرسول وياه مفتاح
دا عبير فى الكون فواح
خارج علشان
تفتح أبواب السما للدين
يا عزيز ع العين يا عزيز ع الروح



الناس شايفاك شايلى أحاديث

للكل ونيس

وانت اللى معاك كل الأصحاب

ويقول الكل عليك يا رسول

كان ماشى و ماشيه النسمه معاه

يستأذن لاجل يروح يمشى الكل وراه

فيحط إيديه فى جيوبه يلاقى رغيف

يقسمه على ميت مليون محتاج

مع إن عددهم مش بالكتره ..

بس الواحد فيهم بالمليون

البعض مابينه وبينه خطاوى قليله ..

يا دوب خطوات

والبعض مراقب سيره وبينه وبينه كثير

خايفين من غدر يعطل فيه

خايفين لا الظلم يأثر فيه





وينام مهموم ..
أفواج اليوم .. بتطارد لسه بحقد خطاه
مع إن الرب معاه موجود
ع طول وياه .. يرعاه فى السير
ويوصى الطير ..
يحرسه فى طريق الشوك والخوف
ماشى العدنان دايمًا ملهوف
وبينشر لسه رسالته ما بين أصنام
وتفوت أيام بعد الأيام ..
تنضم الدنيا إليه بنظام
يسكن فى أعز وأعلى ضفاف
يصبح زواره آلاف وآلاف
ملايين ملايين ملايين
ينتشر الدين ..
يصبح كمظلة حب بتحضن كل فقير



ويطير الكل إلى السموات
الأرض بتسجد بالثروات
على كل الناس
والصمت يكون أجراس .. أجراس
بتصحى النائم لاجل يقوم
القوم واقفين لاجلك يا رسول
حارسين الدعوه من الأشرار
تدخل ع الدار تتقدم ليك كل الأصناف
ما تمدش إيدك إلا لصنف وحيد
والباقي تسيبه لكل اصحابك ع الطرقات

..

صلوات .. صلوات .. صلوات .. صلوات
وكأن العمر بعمرك فات
وتقول للناس .. أنا عبد شكور
منصور بالكون منصور منصور



وإمام على كل الناس والكون
الله في العون يا رسول مختار
الله في العون
بتصون العهد ..
وتنصح كل الناس يصونوه
يداعوه .. يحموه
دا لحد البذر ما تصبح يوم ..
مليون فدان
يارسول عدنان مليون أحاسيس
كل الأديان تبدأ ببصيص
مع إنك كنت في بدء الكون ..
أعظم بركان
أعلى الأديان .. أحلى الأديان
جائب .. قرآن دائما محفوظ
بتفوز برعايه من الرحمن



وتشوف الناس واقفين واقفين
باصين .. على ضى عنيك .. ترتاح
مسكك فواح
وعبيرك مالى الكون رياحين
يا حبيب الروح والكون والعين
ولا زيك فيه اتنين صادقين
ولا زيك شافت عين يا أمين
رايح على فين
يا حنين بيدفى قلوب القوم
يا حنان للسائل والمحروم
يا إيمان بيدوب فى قلوب وقلوب
يا بيبان مفتوحه لناس هاتوب
ونجوم بتدوب
فى الليل تتحول نور وزهور
ما تحبش أبدا حرف الزور



ولا قول الزور

ولا كنت فى يوم أبدا مغرور

متواضع ..

عندك كل الدنيا سواء وسواء

أعلى الأسماء .. أعلى الأسماء

إختارها الله علشان ترضيك

من بعد ما سمى عليك يا رسول ..

سمينا عليك

وقرنا معاك سور القرآن

وإشتقنا إليك

بتخاف على إسمك م الكافرين

ومن الناكرين ..

ومن التايهين فى ضلام الله

ما انت الإسلام

يا رسول الحق .. وحق الخير



بتجيب يا حبيبي في حق الغير
تنزل عصافير الجنة إليك
من كفك تلقط نور على نور
ماشى والكون حواليك منصور
والدين منشور
في جميع أرجاء الدنيا يا طه يا عبد الله
الله الله الله الله
على أحمد لما يلاقى مناه
على طه .. الماشى .. بينده دايم ..
ع اللى يتوه فى ضلام وضلام
ويقول الله يا حبابي سلام
وربيع على طول
نورك يا رسول فى الروح موجود
بيعود للصاحب لو هاغيب ..
ويدوس العيب جوه المخاليق ..



ويداوى الآه

الله الله الله الله

ع العابد لما يقول حببت

يوصل سيّدنا محمد باب البيت

يعزم على كل صاحبه بزد

ويدق الباب .. ينفّث الباب

يرمى بسلامه الطاهر جدا ع السكان

سكان البيت الزوجه وألف ملاك جاهزين

يقروا وياه سُور القرآن

ويروحوا معاه على فين مايروح

الروح يملأها حنين لطريق ..

جواه النور دايمًا مطروح

والشوق مسموح

ولسان الحق معاه يببوح ..

ماشى وحمّام الدوح وياك



يشرب فى ضياك يا رسول الله
ليل ويا نهار
يا حبيب المولى وخير الدار ..
كثروا الأشرار .. جوه المشوار
لكنك كنت السيف بتار
والحق فى كل مكان دوار
فارس مغوار وياه أصحاب
بيدافعوا ليلاتى عن الإسلام
وبيرموا البذر فى طين الأرض ..
تصير أشجار
بتراعى الجار .. مع جار الجار
وبتكرم فى الزوار يا رسول
سيّد على كل رجال القوم
وتقوم م النوم ..
اليوم يا حبيبي بيصحى معاك



يفرح بسجودك ليل ونهار
حامل اسرار الحق .. وكنز الشوق ..
بيشوفك طير مطلق يناديك
ويصلى عليك
ويسبح نور المولى معاك
الليل بيغنى فى ليل لقياك ..
راجع م الغار
ونهار ماتقول ..
بتبان فى سحاب الدنيا نجوم
كنت المهموم بالدعوه فى أول يوم يا حبيب
خايف لا الشمس الدافيه تغيب
مع إن المولى ..
بعثلك ألف ملاك يرقوك
خلوك على كل الدنيا فانار
يا هلال بينادى على التايهين ..



فى طريق التيه

لا سألت لمين .. أو فين .. أو ليه

ولا كنت فى شرع الله يارسول ..

غير مرسل لاجل تجيب قرآن

وتكون عدنان فى الكون لو ضاع

يا شراع الضى ..

فى عالم كله ضلام فى ضلام

يلبس فى هدوم النوم سواح

مُتعب .. مش مُتعب أبدا ولا مرتاح

حامل فى هموم أصحابه وحامل هم الدين

أعداء ماليين السكه عليه

دمعة أشواق لله فى عنيه

يمسحها بكم التوب

ويتوب فى اللحظة عشر مرات





مِيَّه فِي اللَّيْلَةِ الْوَاحِدَةِ لِأَنَّهُ قَرِيشِي وَعَبْدُ

شُكُورٍ

وَلِأَنَّهُ جَسُورٌ ..

بِيدُوسِ أَعْدَاءِ الدِّينِ بَضْمِيرٍ

وَيُنَادِي كَيْتَرَ عَلَى كُلِّ نَجُومِ الدُّنْيَا ..

هَاتِتْزَلْ لِأَجْلِ تَبْصِ عَلَيْهِ

مُسْتَغْرِبٌ لِيهِ ..

كُلُّ الْكَفَّارِ عَابِدِينَ أَصْنَامٍ

مَعَ إِنْ النُّورِ جُوهَ الْإِسْلَامِ

وَاقِفٌ قَدَامَ الدُّنْيَا إِمَامٍ

وَبِيسْجَدِ سَجْدَةٍ حَقٍّ مَعَ السَّاجِدِينَ

رَايِحٌ عَلَى فَيْنِ؟ ..

عَلَى كُلِّ الدُّنْيَا النَّائِمَةِ يَقُولُ وَيَقُولُ

أَنَا لِيَكُونَا رَسُولٌ ..

وَمَعَايَا أَدَانِ مَطْلُوقٍ عَلَى فَوْقِ





نطلع وياه

الله الله الله الله

على شجرة حب بتوصل دايمًا للسموات

على جبل الحق ان كان حسنات ..

والصاحب فات

مجروح بإيدين كفار ظالمين

يجرى سيدنا محمد ..

لأجل يداوى جراحه ..

بعد ما ينده ليه ..

ويحط عبايته الطاهره ..

لأجل ما يقعد فوقها الصاحب والأصحاب

ينفتح الباب تخرج اسراب

عصافير ويمام ونجوم ونسيم

تظهر براكين التقوى ..

ما تملأ الأرض ثبات





يدعوهم للصلوات ..

إدن يا بلال

قرآنك أيوه لآبد يهز جبال وجبال

الله موجود ..

ماشى سيدنا محمد بالأصحاب على طول

يفتح فى الباب من تانى لوحده..

يبص بشوق ع الليل

القمر الصاحى يشوفه .. يدوب

والنجمه عشانه بتلبس أظهر توب فى الليل

والصمت يغنى عشانه بصوت حساس

محسوس

بيدوس الظالم والبهتان

ويبوس جدران الحق فى ليلة نور

النور فى كفوفه بيبقى زهور ..

وفروع ألماظ ..



صاحبه لو عاز
يعطيله بشوق كل اللى معاه
الله الله الله الله
على بدر بيحضن كل مناه
ومناه قرآن ..
جدران بتزيد وتزيد وتزيد
وبيجى العيد من بعد العيد
من غير مواعيد ..
يتفك القيد .. من إيد العبد ..
فيصبح حر قوام
جانا الإسلام .. جانا الإسلام
بسلاام هابقضى جميع الناس
بأدان حساس ..
يقعد على ألف طريق وطريق
يقرى فى الفاتحه بقلب رقيق



يدعى لأصحابه بكل الخير
يلمح فى الطير ..
بيردد سوره من القرآن
بيجدد عهد المولى فى لحظة شوق
وفيك الطوق
من إيد العبد إن كان مسجون
بضلام الكون
ويقيد الفجر .. فتشرب كل الدنيا ضياه
ويقول حبيت
يدخل من تانى البيت
يقفل فى الباب بهدوء ملحوظ
يشرب من بعد ما سمى بإسم الله
سيّدنا رسول الله عطشان
يحمد فى المولى يقول يا كريم
محتاج للنوم ..



ما ينامش لحد ما ضوء الفجر الصافى يبان
ما ينامش لحد النور ما يهل بفرحه عليه
يخرج م البيت حيران سرحان ..
فى عباد الله مع خلق الله ..
العالم تاه جوه الخرافات
وانا جيت علشان تبقى الصلوات ..
جدران فى أساس ..
تكوين العالم بالحسنات
يا عباد نايمين فى ضلام الليل
أنا صوتى دليل ويا القرآن ..
على إن الله موجود
على إن الخير لازم هايسود ..
وهايملى أدان المولى الكون
ربك فى العون ..
يا رسول الحق بزمان الجهل ..



وليل الزيف

يا رغيف هايقضى العالم كله ..
ويمكن كله يفيض
النور بيزيد ..
ع الأرض ويوصل للسموات
ولا غيرك فات ..
ع الدنيا عشان يملأها ورود
ماشى تتخطى حدود ..
مكه .. والنور .. يوصل للصين
يوصل لجميع الدنيا ..
فيملئ الدنيا حنين
والكل يصلى عليك فى مساه
فى صباحه .. وكل الوقت يا نور
يا زهور بتدور ..
على كل عباد الله بالخير



كان خط السير ..

بيروح على سجدة شوق مكتوب ..

فى سبيل الله

الله الله الله الله

ع العالم لما يلاقى دواه

على ألف طريق بيحب خطاه

ع القلب ان كان فاهم معناه

ع الزهر أن كان بيحب نداه

على طه بيوصل لينا نداه

ويبان للدنيا ضياه وسناه

الله على أغلى رسول لله ..

لو نادى فى ليلة حب ..

على التايهين

رايحين على فين ؟

والسكه مازالت شوك ورياح



وسلاح الضلمه فى إيد أصنام
الخير الباقي مع الإسلام
يسمع فى بلال بيصحي الناس
يقلع فى هدومه الثانيه بشكل سريع
يخرج من تانى وياخد باب الصبر وراه
يلقى الأصحاب واقفين على بُعد الشوف
واقفين من وقت دخوله البيت
حارسين البيت
يزعل سيّدنا محمد من إرهاب أصحابه ..
وخوفهم طول العمر عليه
الدمعه ما زالت جوه عنيه
يبوسوه فى عنيه
ويبوسوا كتافه .. يبوسوا هدومه ..
يحاولوا يبوسوا إيديه على طول
[شرفنا ببوس الأيد]



إيده تلمسهم واحد واحد ..
يقفوا عشان بالدور
الله على لمسه مباركه بايد مختار
الله ع الرقوه ان كانت للمختار
الله على دار العزه ..
ان باسها رسول الخير
مشاوير يا حبيب الله مشاوير
ومازلت مصمم ..
تبقى إمام الدنيا وقمر الشوق
راسم فى الضوء
على كل زوايا العالم ..
كل العالم بيك إرتاح ..
رمل الطرقات ..
فى إيديك يا حبيب يصبح تفاح
الكل معاك عايش مرتاح



والكل وراك وياه مفتاح ..

لكنوز الدنيا ونهر العوم

تصحى من النوم ..

تسجد لله وتزيد وتزيد

شمعك بيقيد كل الطرقات

وعنيك مصابيح

بتدوس الضلمه ..

تدواى بنورها فى كل جريح

ماشى والسكه بتفرح بيك

وتنادى عليك لو غيببت فى يوم

تفاح ربانى معاك يا رسول

مع ان السكه شجر زقوم

علمت الناس ازاي العوم ..

فى بحور التقوى مع الإخلاص

علمت القلب ازاي فى الليل ..





يتحول بدر شريف وناس
مليان إحساس .. محبوب .. شفاف
حولت العالم كله ضفاف ..
بيصلوا عليه ..
الله على طه ..
ان بان الحب أيات فى عنيه ..
بنسمى عليه .. مع كل اذان ..
مع كل دقيقه مع القرآن ..
مع كل حروف الدنيا .. وكل خطاوى الليل
ونسمة عليه لو شوفنا الويل ..
أو حس الواحد فينا ..
بأنه فى ليل ها يضيع
يا حبيبى يا طه يا أحلى ربيع
عمرک ما تبیع .. عمرنا ما نبيع ..
ولا يوم هانجيك غير بالنور



يا زهور التقوى على المحيطات
يا حياه إلهيه لعالم مات
جوه الخرافات
وياك الناس يا حبيب القلب ..
بتنده ليك ..
تعدل فى شراع النور لو مال
وتمد إيديك ..
تلمسهم واحد واحد بالقرآن
النور يملاهم يملى قلوبهم ..
يبقى الواحد فيهم ألف هلال
يلمح فى الطيف
يتقدم خطوه يبوس فى بلال
يبدأ فى قراية الفاتحه وهما وراه
يترصوا صفوف فى صفوف فى صفوف
يبدأ فى صلاة الفجر إمام



الله خلاك قُدام

الله خلاك خدام لاجل الإسلام

الله خلاك أحلام .. للسائل والمحروم

خلاك إنسان

ماشى برسالة لابد تدوم

وتخلى الكل يعوم فى ضياء

أسماء .. أسماء .. أسماء .. أسماء

راحت .. وهاتيجى كتير اسماء ..

ومازلت يا طه ..

فى كل سحابة حب هناك

مرسوم على بابا الكعبه ..وع الشباك

محروس من الف ملاك ..

ألفين برعاية الله

الله الله الله الله

على غار متونس بيك على طول





على قول بيخلى الدنيا تتوب
ويكون لحياتهم عرض وطول
على طه ان كان مبعوث .. مسؤل ..
عن كل العالم فين ما يروح
على قلب زمان ..
كان م الكفار دايمًا مجروح
وصبح قنديل في الليل ان طال
وصبح إنسان
سائل في الكل عن الأحوال
وان قال بيقول ..
أحاديث وآيات ..
وبيات والقلب ..
مازال بيدق على الأبواب
هو العدنان
بعته الرحمن لهداية الكون



بعته الرحمن يصبح فى العون

ويكون نبراس

الهادى تملى عليه حراس

فى سكوت الغار .. يسمع أجراس

يتهز بأحلى صليل وصليل

يرجع بالليل .. يسهر مع شمس خديجه ..

لحد الفجر مايطلع يحضن فيه

ويبوس فى إيديه ..

ويصلى عليه .. ويقوم يتوضى معاه

الله الله الله الله

على نور م المولى ..

هدايه وأغلى كتاب مبعوث

الورد بيضحك لو هايفوت

ويقول للدنيا بأن الموت ..

هو الى هاندا بيه الرحله..





ونبدأ أحلى حياه ..
يا تروح لنعيم .. يا تروح للنار
الدين يا عباد الله أسرار
وانا جيت علشانكم ..
لاجل اهديكم للإسلام ..
تبقوا فى طابور الكون قدام
للناس خدام ..
محروم يا حبيب الله م النوم
ماشى م الفجر لحد نهاية اليوم يارسول ..
تسأل ع الناس
ماشى بتردد فى (الإخلاص)
وبتبدأ كل الخطوه ببسم الله
فرحانه السما بعبيرك ..
كل الأرض بتنده ليك
فرحان الليل بضياك



فرحان الضوء بقدمك جايب ضوء

وشروق من بعد شروق

ويروق الحال وياك يا حبيب

ويروق البال ..

تصبح أحوال الكل فنار

توسعلك كل ديار القوم ..

وترحب بيك ..

الناس بتنادى عليك

ان شالله تكون يا رسولنا بعيد

تسمع فى نداهم .. ترجع ليهم جايب عيد

توفى طول عمرك بالمواعيد

مخلص وأمين .. وعماد الدين

وأساس مستقبل ..

جاي لكل بنور ..

النخل يتطاوى ..



ويلمس شالك لو هاتفوت
القش معاك يتحول توت
ويموت الصاحب تبكى عليه
وتقوم م المجلس ..
لاجل جنازة شخص يهودى ..
يقوم الكل معاك
القلب فداك .. والروح شايفاك
ومفيش إلاك يا رسولنا رسول
خاتم .. وبدايه لعهد جديد
كرمك بيقولوا عليه حكايات
وبتيجى آيات فى الغار تناديك
تخرج والدنيا بتوسع ليك
تدخل فى البيت
حاسس وكأن الروح ..
موجوده مازالت جوه الغار



تترمل .. تنزل دمه ..
تبل هدمك يا المختار
الدار فرحانه بصوتك ..
وانت بتقرى آيات وآيات
الله على الغار لو كان حسنات
تكثر سجدات الصحبه على الطرقات
ويزيد الرزق مع المخاليق
مع ألف طريق
إخترت طريق الحق .. عن البهتان
كان الرحمن وياك يا رسول
ضد الأصنام
حققنا معاك أحلام وحاجات ..
أكبر يا حبيبي من الأحلام
الشجر الصافي ينام على كتفك ..
لما بيلمس ضهرك فيه



والأرض بتمشى معاك يا حبيبي ..
وفين ما تروح بتحب خطاك
والناس تلتاك .. يارسولنا فى ألف مكان
شايلى قرآن .. حامل أختام الحب ..
ودايس ع الكافرين ..
مدر .. صادق .. دافى .. أمين
والصحبه معاك ماشيين .. ماشيين
مستنيين تهديهم آيه من القرآن
ويقولوا عليك طه العدنان ..
ويبصوا عليك يلاقوك إنسان
تهديك الصُحبه عبايه
تروح تهديها لجار مهزوز
بتزور يا رسول الله فى الثانيه الواحده ألف
عجوز
وبتدّى رغيّف للألف وكل صديق بيعوز



والى وياك بيفوز ..
بالجنه قبل الجنه ما تفتح بابها
لناس عاشقاك
مستنياك على مدد الشوق
إنسان معروف ..
بالعدل وأنه رسول مبعوث
لا يهمه فلوس الدنيا جبال
ولا عايز غير يفضل بيدوس ..
كل الأصنام
خدام للقوم ..
مع انه
لسيّد .. زى ما قال مولاه الله
الله الله الله الله
ماشى والدنيا بتمشى معاه
وتزوق ليه كل المشاوير



الكافر لسه ضرير وكفيف
مش شايف شئ
وطريق الدعوه طريق ممدود
محتاج لركوع .. محتاج لسجود
محتاج الكل يعود للدين
كفار ظالمين جوه المشوار
ولا زاد فى الدار .. ولا شئ فى الجيب
كفار أشرار عاشقين العيب
عاشقين الكذب مع الأباطيل
عايزين الليل يطول ع الكون
عايشين فى ضياع .. وجنون .. وسراب
مقفول المخ على التخاريف
بيحطوا لصنم الغش رغيف
ويحطوا غموس
الله يا محمد ..
لما تدوس فوق الأكاذيب



الله يا محمد لما تدوس في ديل الديب
وتكون للامه الطاهره طيب
بتعالج داء الكذب ..
وداء الغش .. وداء الخوف
تخرج ملهوف
وتقابل كل أصحابك واحد واحد ..
كل مكان حواليه بتطوف
وتشوف حاله في كل صديق
موجود على ألف وألف طريق ..
دايما موجود
وسجود وركوع .. وركوع .. وسجود
وأدان لبلال



[إزى الحال]

تنطقها لكل صديق ع الباب ..

والناس يا رسول

مستنيين ترجع بأيات

يقولوك إحنا معاك يا حبيب ..

لو حتى فى الف مكان نفديك

نسقيك من روحنا لحد مانوصل للسموات

ومازالت كل الناس بتقول وتقول وتقول

دا أحلى رسول

ودا اغلى رسول

كان لما نشوفه السكه بنفرح بيه

ونصلى عليه

كان لما بيخرج يلقي (غمامه) ..

تدارى الوجه الطيب .. م الأعاصير

وشموس السما تتحول طيف لرغيف مفروود





يقسمه بحنان .. ويا القاعدين دائما وياه

الله الله الله الله

على أغلى رسول بين الأصحاب

بيدق الباب ..

على كل رفاقه فى عز الليل

يصبح فى ليالى الخوف قنديل

وشعاع من بدر شريف وعفيف

ويكون لكل رغي ممدود

ويكون موجود .. بالنور موعود

ويكون للدنيا بنوره دليل

وياه أبو بكر مع الخطاب

ومعاه أصحاب .. ملايين .. ملايين

وياه الدين صادق وشريف

وأيات مكتوبه بدون تزييف

كان لما يقابل زيف يطفيه





ويدوس بالحق الصافي عليه
ويناقش فيه علشان ما يعود
كان أصل الجود والخير والشوق
مشتاق لخروج الحق لدنيا الضوء والنور
بيدور على كل بيوت القوم
يدخل فى النوم .. يبتسم النوم
ويسيبه ينام علشان يرتاح
يصحى ويجيب للدنيا صباح ..
يجيب رياحين
ولا يسأل ليه أو مين أو فين
صادق وأمين بين المخاليق
لو شاف مظلوم .. بيحس بضيق
ويجيبله حقوقه من الظالمين
يا حبيب الروح والعين باهواك
واتمنى لقاءك



واتمنى أسيب .. العمر معاك
وأموت والروح والعين شايفاك
لابس فى عباية النور.. مرتاح
تفرشها لصاحب ..
عايز يقعد تانى معاك
وتطبطب إيدك ع الراحين ..
ويا الجايين ..
تتبسم يملى الكون رياحين
والمسك يسود
الصحبه ركوع .. الصحبه سجود
ومازلت يا طه بحور الجود
ومازلت الله ونداه وضياه
الله الله الله الله
ع الحاضن صاحبه وماشى معاه
ع الليل لو بان الفجر ..



وجايب لنا ضياه

الله على طه وهو مع الصادقين ماشيين

وياه الحق مبين وصريح

بيداوى بقلبه فى كل جريح

وينضف نهر الصدق الطاهر م التماسيح

ويخلى الشط حلال فى حلال

أدن يا بلال واذكر فى الله

الله الله الله الله

على شهد الحرف العازف لحن خلود فى خلود

على أحلى عهود ووعود وكلام

على نور إسلام ع الناس هايسود

على طلعة أحمد .. طه .. محمد .. والمحمود

كان لما بيمشى ..

بتنزل كل نجوم السما والكون

تحرص فى خطاه





وتقول على ضىّ ضياه الله

الله الله الله الله

على سيدنا رسول الله فى الغار

حاطط جبريل على كتفه الإيد

النور بيقيد كل الأركان

جدران فرحانه لأن الوحي شريف ونضيف

ولا فيه تخريف .. ولا زيف موجود

ولا فيه تحريف

ويعود سيدنا محمد .. جسمه بيرجف ..

تجرى خديجه عليه ترقيه

وتزمل فيه

وتطمئن قلبه ..

بأن الله إختاره لأغلى رساله ..

وأحلى طريق

يجرى بدموعه على الصديق ..





فيآمن بيه .. ويضمن قلبه ..
بأنه لا يمكن يوم هايسيه ..
لناس مش ناس
فى قلوبهم ألف شيطان خناس ..
وعنيهم نار
كفار .. كفار .. كفار .. كفار
باصين ع الدار بصة أحقاد
الوحى وصل يا حبيب بمعياد
نبدأ فى جهاد
محتاج للصبر وللأصحاب ..
أصحاب الدعوة عددهم زاد ..
واقفين حواليه
بيصلوا .. ليلاتى لنور الله
الكافر تاه جوه المواخير
والكل بيجى بدون تأخير



والجو ساعات بيغيم ..
بس ساعات بيروق
والقلب بينزل تحت ..
ويرجع تانى يرفرف فوق
طير الإسلام مطلق
على قلب الكافر ناكِر للصلوات
مش عايز يسجد للرحمن
ولا عايز يبقى فى يوم إنسان
ولا عايز شمع الحق يقيد
ومازلت يا طه مصمم ييجى العيد ..
لاجل الملايين
يارسول .. يا أمين .. الناس وياك
والباقى بيسعى لقتل الدين
ماشيين .. ماشيين ..
على شرع المولى ..



لحد ما نوصل تانى هناك

حيث الافلاك ..

بتنور لينا طريقنا بدون ما نخاف

حيث الصفصاف ..

بيضل سيدنا الهادى ..

يدارى عيونه من الشياطين

واققين بسيوف علشان يؤذوه

عايزينه يتوب

ورسولنا مازال ..

صامد مش ممكن لحظه يتوه

ولا يمكن يوم ..

يرتاح لو صاحب ضل وتاه

الله الله الله الله

ويهدى الخطوه ان شاف محروم ..

أو طفل يتيم





ويروح الغيم .. لحظة ما الليل يناديه
كان لما بيمشى يبص عليه ..
هدهد على فرع بيفرح بيه
وتبص عليه الخطوه ..
تنوح الأرض ان تعبت يوم رجليه ..
من ميت مشوار لحالات وحالات
كان لما بيلمس حتى (فتات)
يتحول زاد قناطير قناطير
لاجل الإنسان .. لاجل الأنعام ..
لاجل اللى يعوزوا ولاجل الطير
من غيره العدل يبقى ضرير
دا لأنه ميزان موزون ومتين من عند الله
الله الله الله الله
على شرع الله لو ليله يسود
ويعود الحق يدق الباب



الله على ضى عيون أصحاب ..
ساجدين مع سيدنا رسول الله
الله على ضى عيونك ..
خلى الليل دايمًا مصابيح
الله على ريح مطلقه ..
بتهدى فى يوم ما تشوفك ..
فوق السكه سلام
الله على أحلى يمام ..
ببشاوور ليك بين الأشجار
الليل بقى بيك يا حبيبى نهار ..
والدار مليانه بخير الله
الله الله الله الله
على نومتك تحت النخله حزين
من قسوة حال بعض الكفار
على قومتك لاجل ما تحضن فى الملايين



وسؤالك عن أحوال الجار
على نظرة شوق من ضى عنيك
بتقول للكون ..
مقدرش أكون غير الإنسان
شاييل قران من عند الله
بينور سكة واحد تاه
ويقول للحاير شوف نجواه
هاتشوف السكه حرير فى حرير
وتشوف الرزق كبير وكثير
وتشوف عاصفير الخير شايفاك
وبتيجى وراك على فين ماتروح
يا رسول النور .. يا صديق الروح ..
الليل مشتاق لعنيك .. مشتاق
تصبح قناديل
تتحول ألف دليل موجود..



للتايه جوه حوارى الكون
عاشقينك كل الناس يارسول
واخدينك رمز لأحلى صفات
ولأغلى أصول
بيقول الناس عنك مبعوث ..
علشان تصحيح كل الأوضاع
إنك يا شراع الحق شراع
لمراكب ماشيه فى بحر الدين
وانك يا حبيبي دراع الكون ..
إنسان وأمين
صبحت فتواه قوانين قوانين
وحديثه مُنزل زى الوحي من الرحمن
الله على سيد الأرض وسيد الناس والقوم
الله ع الكف الطاهره الطاهره ..
لما تطبطب على محروم



ولا يقهر عمره يتيم
ولا ينهر سائل مهما يزيد في سؤال
مشغول البال
على كل عباد الله مشغول
دا لأنه رسول دائما مسؤل ..
على طول عن كل عباد الله
الله الله الله الله
على عبد بيصبح مرسل ..
من رحمن الدنيا لناس كفار
مليون مشوار ..
قدامه لحد ما تثبت ..
دعوة ربه إليه وعليه .. مليون مشوار
ومرار بيدوقه من الظالمين
مع ان الناس ..
عارفينه بأنه عماد الدين



صادق وأمين

ولا عمره انحاز للظلم دقيقه فى لحظة طيش

بيعيش بكرامته فى وسط القوم

بيدوس الظالم ..

يجرى بقلبه على المظلوم

والسائل دايمًا والمحروم

من قبل الدعوه ماتيجى بيوم

كان كل القوم ..

شايلىنه فى قلب العين والروح

من بعد ما داس أصنامهم ..

حاولوا يدوسوا بحقد عليه

سيدنا محمد كان الرب حاميه وراعيه ..

يداريه عن كل رياح تأذيه

ويصلى عليه ويساند فيه

سيدنا محمد .. نور الله دايمًا فى عنيه





ماشى وحواليه الناس ماشيين
وأنين أوقات فى عنيه بيان ..
سورة الرحمن ..
يقراها لكل اصحابه بشوق
الكل معاه طالعين على فوق
حيث الجنات .. والنور .. والضوء
بتطبطب إيده على المخنوق
يصبح مرتاح
المسك معاه دايمًا فواح
والحزن معاه دايمًا رواح
والناس حواليه
بيبصوا كيترا دايمًا لعنيه
فيشوفوا دموع التقوى بترعش فيه
ويشوفوا آيات وآيات
ويشوفوا ريحان النور فى إيديه



فيسموا عليه ويصلوا عليه
وتدق قلوبهم فوق أبوابه ..
لأنه رسول يقول ويقول
إن الرحمن دائما موجود
وياخذنا إليه لو ليله نتوه
سيدنا محمد بين الناس يقول الله
وبنعمة ربّه تملّى يحدث لو سألوه
لو بص في يوم مكتوب لوجوه
بيفرق بين العاصي وبين الطيب والشرير
لو ركب الناقة الناقة بتفرح ..
وبتتمنى تكون وياه كل المشاوير
وان قال الآه .. تتهز أراضى الكون بالناس
مع آخر حرف فى آهه شريفه ..
لأن الآهه عند رسول الحق آهين
وان صادف مره غراب البين



بيلين فى القول وياه

الله الله الله الله

على خير بيحينا ..

وييجى لكل الدنيا جبال وجبال

على صوت لبال دايم موجود

على أغلى سجود طاهر لله

على ندهة حب لواحد تاه

على فضل المولى على المظلوم

على نجمه بتطلع طول اليوم

بتزيل هم المهموم

وتخلى الراحه تدوم

وتخلى الكل يعوم ..

فى بحور مليانه إيمان

دخل الإسلام .. خلانا نقول للكل سلام

خلانا نعيش فى أمان ووائام





سيدنا محمد قام ملهوف
على إنه يبلغ لنا حديث
يتحول أحلى جليس
ويكون للدنيا ونيس
فى ليالى ضلام فى ضلام
جانب الإسلام .. واضح علشان نقراه
الله الله الله الله
على أغلى مبشر بالقرآن
على قلب رسول عدنان مبعوث
بيقول والكل . . جلوس سامعين
ودموعهم جوه العين أمواج
بيشوفوا التاج .. متشرف إنه عليه موجود
ويعود م الغار بآيات وآيات
ينده جبريل ..
لو غاب الوحي عليه ويقول



مشتاق لكلام ..

جايبه الجبريل .. من رب كريم

رحمن بقلوب الناس ورحيم

وعظيم لو مؤمن شافه فى يوم

اليوم بيراقد فى الأصحاب

من بعد ما راقب أغلى رسول

الحب يجينا سيول .. و سيول

وجبال القادر عرض وطول

والناس بتقول

طه ولا لينا ..

سوا فى الكون

غير وجه الله

طه بينادى ان تاه القلب ..

فى ودای غريب

بيكون للجرح طبيب





وبيعطى الكل دواه
الله الله الله الله
على أشرف خلق الله
على نور أرسله موله
على آيه بتخرج من أنفاس ..
رسوليه وضى لأعلى حديث
جبريل فى الغار الدافى جليس
وخديجه كلامها الصافى .. ونيس
بيدوس على صوت وحروف إبليس
وينام لو يسهر قبل الوحي فى أى مكان
إنسان معصوم
بيقوم وينام على صوت إنسان
كان لو يتلفت .. كل الكون يتلفت ..
كل صعوبه بتصبح بالإمكان
كان شایل دايمًا فى القران



كان ليه .. وما زال فى الكون موجود..

بين المخاليق

لو سكه تضيق

يمشيها فتوسع دايم بيه

سيدنا محمد ويا اصحابه يدوس ع التيه

ويسمى باسم الله على طول

مبعوث ك رسول .. بيجيب افراح

إعطاه الله للخير مفتاح

يفتح أبواب الكل بشكل رقيق

مش ماسك سيف فى طريق ممدود

ولا خطى فى ليله حدود الغير

بيسير فتسير الأرض وراه

تفرح بخطاه

وتهلل لما تشوفه فى يوم

يصحى من النوم .. على صوت النور





يلمس بحنانه الأرض البور
تتحول خضره وقمح وألف نبات
تكثر حسنات القلب ان كان حساس
سيدنا محمد نور حساس بين الملايين
الهادى أمين .. على أشرف دعوه
وأعظم صوت
بيفوت ع الكل يسلم ..
حتى يسلم ع الأطفال
يسأل فى جميع الناس ع الحال
يقعد مع كل القوم مرتاح
الحب سلاح .. الصدق سلاح .. والود
سلاح
سواح بين كل بيوت النور
شایل فى زهور لاجل العشاق
ولا أبدا بينه وبين الصحبه الطاهره فراق



ولا بينه وبينهم غير احاديث ..

صادق .. مصدوق

بيفك الطوق .. من قلب الشاكك فى

القرآن

داس البهتان .. بآيات وآيات

فرض الصلوات من عند الله

كان لما بيلمس بحر النور .. يتحول موج

كان لما بيلمس شئ معوج .. يتعدل الشئ

وان مره السكه تضيق ..

بيوسع فيها بنظره بسيطه وبسم الله

الله الله الله الله

على سيدنا رسول الله

فى حديثه عن الإسلام

على كل سلام ..

أصبح موجود جوه الأرواح



على نور فواح باين فى الكون

على إيد العون

لو تنسد ناس محتاجه لعون

على كن فيكون بأمان الله

على واحد تاه ..

راجع للحق بدون ما يخاف

على طير بيسبح ع الصفصاف

على أغلى ضفاف حاضن ملايين

على أحلى رسول .. للدعوه أمين

وهواه رياحين

وعيوننه مازالت ..

شايغه الفاسق م القديس

مليان أحاسيس وأمان وشعور

مليان بالنور .. والنور ربانى بعهد الله

مليان إخلاص ..



وأساس البيت قران مبعوث
بيدوس الباطل والبهتان
يعلى البنيان .. بحديث وآيات وحروف
وسجود
وصيام وتعامل بالإخلاص
كان لما ييمشى .. تصلى الأرض الطاهره
عليه
وتبوس رجليه
وتئن بفرحه وتلبس طرحه بشوق
تتفجر كل نجوم الضوء
وتقول الله
الله الله الله الله
على روح إنسان ..
محفوف فى ضياه
والرب معاه دائما يرعاه



يبعثه الوحي الصافي .. يروح الغار

مش طامع يوم أبدا في الجنة ..

ومش مرعوب أبدا من نار

بيقول مخلوقه الناس أحرار

ولا كانوا عبيد

ماشى والإيد في الإيد مسرور

لا غرور جواه .. ولا ليل محصور

والنور بيغنى كثير في لقاءه

وبيكثر ضيه تملى معاه

ومفيش إلاه بين المخاليق

راسم على روحه طريق قرآن

الإنس وحتى الجان عارفاه

باعث في فطاره وباعت ربك كل غداه

وعشاه بيجيله لحد الباب

كان لما بيفتح باب البيت



يفتح فى الباب

وكان صوابه نسيم فواح

حنيّه وعزف على المفتاح

ولا راح فى مكان من غير مواعيد

الخير بيزيد

والبركه بتدخل فى الأرواح

تغسلها فى نهر قناعه .. وخير مبدور

تغسلها بنور قايد للروح

الهوى مسموح .. لوكان فى حلال

والقلب يبوح يرتاح البال

ولا قال غير وحى من الرحمن

يقعد فتضلل الف سحابة حب عليه

يخرج والناس جواليه ومعاه من كل مكان

الكون اتملّى قرآن

وحبيبنا مازال جواه أحزان ..





من خلق بتكر لسه الدعوه
لأن القلب ضلام
مع ان كثير .. و كثير .. و كثير
دخلوا الإسلام
ومازال الصف بيكبر رغم الريح
الهادى صريح .. ببيلغ كل رسالة الله
الهادى مريح .. تسلم فتواه
قلب العدنان الدافى بيوحى إليه على طول
فبلاش الصوت يصبح أجراس ..
أو يعلى عليه
وبلاش نتسائل فين أو مين أو إيه .. أوليه
ونخلى ما بيننا وبين الشك العاصى حدود
نشعر بجلال الله فى سجود
فوق الطرقات .. نتعلم إن الله موجود
لو واحد مات



الباقي الشافى القادر .. هو إله الكون
السيد ماشى فى وسط الناس
والله فى العون
بيسهل ليه كل المشاوير
ويجير القلب من الأيام
دخل الإسلام بالحب قلوب .. وقلوب
.. وقلوب

واقفين طوابير علشان هانتوب
ودوب فى آيات المولى الباقي .. فى كل
حديث

المولى جليس ..
للعابد لو هايكون بضمير
وان كان مش ظالم فى التفكير
ولا عايش أبدا فى التكفير
الله بينادى لعبد شكور بيحب الجار



ورسول الله ..

إختار السهل فى كل مكان

ما يحبش يضغط ع الأشياء وعلى الإنسان

قال للأصحاب ..

إختاروا ما بينى وبين تماثيل أخشاب صامتين

يتبسم تلقى النور بيشع يزيد ويفيض

الله بيريد

ويزيد العبد ان كان فى الآخر عبد شكور

يعطيه المال والجاه والنور

ويعلى معاه كل البنيان

ماشى العدنان .. والكل معاه

والشمس بتجرى وراه .. ترقيه

وبتصبح نسمة راحه عليه

وتحول ليه الحر نسيم

تعظيم .. تعظيم .. تعظيم .. تعظيم



ومحبه فى كل مكان
بدأ القرآن .. يتحول جوه الأمه قانون
قال القرآن .. بلسان مبعوث ..
إن احنا ندوس فوق البهتان
نرضى الرحمن .. نرضى العدنان
ونفكر قبل ما نعصى الله
وبآيته نظهر كل مكان
قال القرآن

ان احنا لابد نكون ونكون فى الحق صفوف
فى النور نتكلم بالمعروف
للعدل نشوف .. نتحدى الخوف
ولا نعبد حاكم ولا محكوم
موجود ع السكه نخيل الضوء
وف نفس السكه شجر زقوم
ونقوم م النوم على ذكر الله



وننام فى الليل على ذكر الله

نتحدى الكافر يوم .. لو زاد..

عن حده وقال أو عاد أخطاء

ماشيين بإباء

وكرامه زرعها رسول الله

علمنا ازاي نقرا القرآن

وازاي بسهولة نشوف فحواه

ويقول الله

علمنا نكون فى الريح صامدين

حافضين الدين

ولا نسأل ليه .. أو فين .. أو مين

الهادى أمين ..

على روحنا فى سكة شوك وأنين

الهادى مازال ويانا ..

بيشفع لينا فى كل مكان





قرآن في إيديه الطاهره .. بيرعش جبل

الخوف

ويطهر لنا الشوف

علشان ما نشوف ..

الفرق ما بين الباطل والإحسان

ويقول الله ..

بيحب العبد ان حب يفيد الجار

الله الله ويا الزوار

الله بيقيد النار على طول لأجل الكفار

كان كل حبايبه (مهاجر) حاضن في

الأنصار

وان صار الكون مرسوم قدامه خريطة خير

يدى اللى يفيض وياه للغير

أقصد .. يدى اللى معاه دايم للغير

ويغنى الطير لقدمه الصافى يحى الطير



يسند ع النخله ..
تحن النخله ويصبح صوتها عير
وان ظلمه غريب ..
واحتاجه بيصبح للى احتاجه تملى مجير
سيدنا المختار .. بيجيب العيد ..
حتى للعاصى لعل القلب يعود
ويدوب فى سجود وركوع لله
لو واحد تاه ..
بينادى عليه .. لو حتى زحام
بيبوس خد العايدى ..
والهادى مازال ع الدعوة أمين
مشغول .. مشغول .. مشغول بالناس
وبأن الجسم نهايته الطين
وبان الشوك ..
ممكن فى الروح يصبح رياحين



لو سلم نفسه لشرع الدين
سيدنا محمد ضيّ العين
بيفوت على كل عباد الله
وبيشرح ليهم شرع الله
وبيزرع فيهم زهر حنين
على فين يا عباد الله رايعين
رايعين على فين يا عباد الله
والجو رهيب ورياح خماسين
والبعد ضلام في عذاب في أنين
ماشى ومعاها ملايين ماشيين
والنور بيدور على كل الناس
إنسان حساس ..
خلى الإحساس في الكل قانون
بقى أعظم عون لأجل المحتاج
والتاج على راس كل اللى معاها



الله الله الله

على بدر نادانا فى عز الليل

على أغلى دليل ..

من طه بأن الله موجود

ولابد الدعوه الطاهره تسود

ويعود الحق لأرض النور

الأرض دى كانت قبلك بور

والليل كان دايس ع المخاليق

فهزمت الضيق ويا الأصنام

وقدرت يا نور العدل تنام

مرتاح علشان ..

قرآن الله فى بيوت الله

ولأن الناس أمنت وياه

كان ضى ضياك ..

بيلف الكون رايح مايروح



يا حبيب الروح
وصلت رسالتك للملايين
عشاق صامدين .. يحبوا الدين
ويحبوا وجودك جوه البيت
حببت الكل ..
عشان الكل معاك يا رسول
ومازالت كل الناس بتقول
كان طه جميع الناس فى عنيه
ويشد لحاف الصبر عليه
ويمد القدم اليمنى يلاقى الحمل خفيف
فيغطى خديجه بشأله ..
بعد ما ساب النص رغيف
على كف خديجه العاشقه هواه
الله الله الله الله
على عبد الله



سهران بالشوق ويا الأصحاب
قرآن .. بيدق الباب على طول
وينادى الطير لو ضاع أو تاه
الله على طه ..

وايده فى حضن إيدى ملايين
رايحين على فين ؟
على كل مكان

شايلىن قرآن على نور الله مسنود موجود
بسجود طالبين عون الرحمن
يعلى البنيان ..

يوصل لنجوم الليل مشتاق ..
وما عادش ما بين الهادى ..
وبين الدعوه فراق
بعد العشاق ..

ما تعاهدوا يكونوا فداء الدين

ولا شافت زيك أبدا عين

يا رسول محفوظ ..

دايما بيفوز ..

بالوحي ونور المولى .. وضى حديث

ولا كنت فى يوم أبدا مهزوز

دا لأن الله وياك على طول

أصل انت ختام مبروك يا رسول

بتقول من وحى الله فى حروف ..

مليانه نجوم

وتقوم علشان تنصح فى الكون

ويجيك عون الله ملايين

ينضموا إليك فى طابور ممدود

يا سجود القلب فى ليلة شوق

يا صعود على فوق السما مبعوث

يا هلال بيدوس على كل ضلام



دخل الإسلام ..

فى قلوب الكل فجرىوا عليك

يفدوك من ظلم بيرعش فيك

ظلم يخليك قلقان على طول

فى طريق كان طول الليل مسدود

الله على سيرك فى الطرقات

على فرحة كل طريقك دايم فى الصلوات

على بصره شريفه فى عز الليل ..

لميزان حسنات

وتبات .. وخديجه تظمن فيك

تمسح فى دموعك بالمنديل

وتقلق مهما يزيد الويل ..

الرب معاك

خلاك يا حبيبى تشد الحيل

من أول يوم وياك مصباح



من أول يوم وياك مفتاح ..
لجميع أبواب النور والخير
الرب مجير ..

وانت اللى بتبدأ بالإحسان
ماشى والصحبه معاك قرآن
بيقولوا عليك إنسان مبروك

عائم فى ضياه
وعيون الله دايمًا شايلاه
وايدين الله دايمًا طايلاه
يتحمل برد الليل فى الليل
يتحمل برد قلوب معصوبه ومش شايلاه
الله الله الله

على دمع رسول الله فى الغار
واقف محتار ها يرد ازاي
وهايعمل إيه فى العمر الجاي



وطريق الدعوه طويل وطويل
ومفيش قنديل جوه الطرقات
وازى هاي علم كل الناس ..
إن الصلوات .. لله هاتوصل جنة نور
وتكون أزهار
وازى هايثور ضد الكفار
خارج م الغار ..
محتار هايقول للعالم إيه
وازى يختاره المولى لحمل إلهى تقيل
مرعوش ع السكه ..
وكل هدومه عليها دموع
وعرق بركان
يدخل بعيونه فى قلب سحابه بتضحك ليه
وتبص عليه
فرحانه لأن رسول الله الآتى ..





شايها بشوق

وتقول يا سلام لو يطلع فوق
أغسل في هدومه وإبارك فيه ..
ماشى والصمت شديد حواليه
وحاجات .. وحاجات .. وحاجات قلقاه
أنا عايز حد يصدق إنى رسول المولى ..
ولكن فين هاللقاه
وخديجه بتستناه
كان داخل سارح فى الملكوت
وازى ها يهز بيوت العالم بالقرآن
وازى هايبان وسط الكفار
والدعوه هاتقضى على الاصنام
ماقدرشى ينام ..
كان كل دقيقه يقوم ..
ويبص بفرحه على السموات



يرجع مرتاح ..

يشعر وكأنه فلى قلب سحاب ..

طائر بالروح

إيه الممنوع .. إيه المسموح

دا سؤاله لنفسه وكان مختار

جاوب ..

أستنى الوحى يقللى الحل هايبقى ازاي

وازاي هاتعامل ويا قلوب كفار أشرار

أصنامهم هي إلهم مهما يكون الكون

مسجون الكافر فى الخرافات

يحكى عن صنم الوهم حاجات

ويقول حكايات

يسجد قدامه ويطلب منه كتير وكثير

بعدين لو (عجوه) ..

بياكله بحرقه فى آخر اليوم





يتحایل تانی عشان یرتاح ویجیله النوم

ویجیله النوم دایما لهناه ..

یوصل لمناه

الله الله الله الله

على سيدنا الهادى .. والمدثر .. والمعصوم

على بدر كحيل العين بيقول للقوم :

(أنا منكم .. بس بيُوحى إليّ ..

أوصل ليكوا شعاع الوحي آيات وآيات)

وأجيب علشانكو حاجات وحاجات

صلوات تحميكم م الشيطان

وأجيب حسنات

يتوصى إله الكون بقلوبكم ..

لأجل الروح ترتاح

العمر ما راح .. فى عبادة شئ مجهول

أخشاب وحجاره ونار وحديد





وانا جايب ليكم دين توحيد

بيقول للناس .

أمنوا علشان الخير هاييزيد

والنور هايفيض

وهاتفتح ليكوا الجنه بيبانها ..

لما تحافظو على المواعيد

الله قدامكوا .. وراكوا معاكوا في كل مكان

الله غفار .. ساتر .. رحمن

باصص بعيون إلهيه بحب على الإنسان

ومراقب خطوه في كل دقيقه تمر عليه

ما تقولش ازاي .. أو فين .. أو ليه

ولا حتى تناقش في المطلوب

أو حتى صفات الله وضياه

مطلوب الطاعه وتيجي معنا ..

وتفهم كل كلام يتقال



ولابد عددنا يزيد ويكون
أكبر بكثير من عدد الناس
أصنام .. أوهام .. وشيطان خناس
مخاليق فى طريق فاقده الإحساس
فاقده التفكير ..
وقلوب مش قادره تشوف عناقيد أنوار الله
أصنام بتسيطر على تفكيرهم ليل ونهار
كفار والشهوه بتركب فوقهم ..
مهما يروحوا لحد الموت
بيفوت سيدنا محمد ع الأصنام ويقول
لازم احطمها فى يوم معهود
ويعود للبيت .. مليون أفكار
ازاى يتصرف ويا بيوت كلها كفار
عدد الأصحاب بيزيد ويزيد
ويدوسوا بحب على الأصنام



ينوى الكفار قتل المبعوث
فيقول أنا محمى من الرحمن
يمشى فيشرف كل مكان
ويسلم يملأ الدنيا حنان
يلمس فى الشوك النار ..
يتحول زهر ونور وربيع
عمر ك ماتبيع يارسول الله
دا لأنك ماشى هناك بثبات
كان لما بيمشى تلت خطوات
يقطع فى بلاد وبلاد وبلاد
ويخلى جفاف العالم زاد
ويشيل فى وحيدُه بدمع عنيه
يفتح فى وريده الطاهر بحر ..
ويدفنه فيه
وتدوس رجليه ع الشوك ..



الشوك يتألم لما يشوف الدم عليه
فيسمى عليه .. ويصلى عليه
يتحول ورد .. وزهر ريحان
وأمان وحنان وإيمان فى إيديه
الهادى خلاص أصبح قرآن
ماشى على أرض النور والخير
خلى الأصحاب تحكم بضمير
وابتدى فى دخول..
أرواح مقفوله على الدخان
مليون زلزال .. مليون بركان
هزوا الجدران
دقوا على كل بيبان الدنيا ..
عشان الحق فى لحظه يسود
والكل يكونوا جنود لله
يحرصوا أركان الدين بالروح

الهادى معاه أصحابه ..

فى قعدة حب لنص الليل

والزاد قدامه قليل

يقسم فى رغيه ..

على القاعدين دايمًا وياه

بيقول الله ..

باعت علشانكوا آيات وآيات

قيموا الصلوات

موجود حسنات

مفتوحه الجنه ..

عشان بتنادى على العاشقين

فريقين واقفين على ألف طريق

كافر بيعادى رسول الله

مع شرع الله ..

والتانى صديق



الهادى بينده ع الأصحاب

مفتوح الباب لاجل العشاق

ومفيش بين كل رفاقى فراق

معروف الداء جوه الكفار

معروفه النار ..

إنها منقاده لناس كافرين

والهادى أمين ..

قاعد بيقول ويقول ويقول

الله يا أعز رسول فى الكون

ماشى وكأنك فرد وعادى ما بين القوم

من يوم الغار .. ولا دوقت النوم

ولا فات اليوم .. غير لما كلاب بالنار يأذوك

يا حبيب الله والروح والعين

يا جميل .. وأمين

ياما اتحملت عذاب فى عذاب





وفتحت الباب .. باب الغفران ..
للكل .. عشان الكل يتوب
والكل يدوب ويا الأحاديث
للكل يا طه قعدت جليس
والبدر معاك يا حبيبي ونيس
قاعد بتجاوب ألف سؤال
وبتسأل كل الناس ع الحال
مشغول البال يا رسول مشغول
وانت المسئول عن كل القوم
بيقولوا عليك منقذ للناس
يا رسول .. على طول من شر التيه
حيوان .. يسقيه
إنسان يكفيه
الطير يأويه
الخوف .. يداريه



يلاقيه الكل فى وقت الشده طوفان إنقاذ
يصبح فدان من (حِنطه) ان واحد عاز
يحكى عن كافر خسر الآخره .. وآخر فاز

وقزاز وقزاز وقزاز وقزاز
يتحمل عض الديب .. ويقوم
يمسح فى جراحه بكف إيمان
والديب واقف حيران
من إنه اتحمل عض رهيب
قلبك يا حبيب الروح بيغيب ..
جوه السموات ..

جوه الصلوات .. تجنى الحسنات
تتحمل أذى وعذاب وعواء
ويزيد الداء فى قلوب كافرين
فيزيدوا أذاهم ليك يا رسولنا .. بشكل غريب
العيب .. فى قلوب كل الكفار



مش عيب محسوس
جايلك إنسان كافر مدسوس
علشان يتجسس تانى عليك
ويبلغ سيرك للأعداء
تسقيه من إيدك ميه حلال
وتقسم بينكو رغيف ممدود
تلقاه فى حماك ودفاك بيعود
ويا من ان الله موجود ..
وان الإسلام هايسود
يصبح من أغلى الصحبه عليه
سبحان الله .. بالروح يفديك
ويلازم فيك
ويحاول إنه يكون وياك
العاصى بيبقى ملاك
واللى اتحداك ..



راجع علشان يتهنى معاك
ماشى والأرض طريه ..
وكل السما سامعك
بتقول قرآن ..
وبتهدى التايه والحيران
وتقول أحاديث ..
فيقول الكل يا طه كمان
ولا كائن كان هايطولك يوم يا رسول عدنان
لو حتى يكون فى الكون مسنود
وتروح الغار دايمًا .. وتعود..
وياك قرآن
وياك برهان ..
على إن الله باقى على الكون
للعبد العون .. والكون والجاه
وان واحد تاه .. يهديه لطريق الحق قوام



يحيا الإسلام ..

فى قلوب بتحب الخير للناس

وتدوس وسواس خناس ولئيم

يا رسول يا كريم .. يا عظيم .. يا حكيم

سلمنا إليك ولرب الكون كل المقادير

ما احتاجنا لأى حديث م الغير

وآيات الله كانت مصابيح

وجبال الدوا .. على كل جريح

وتزيد الريح .. تتحدى الريح

دا لحد ما اصبح لنا كيان

يا رسولنا يا ساجد فى الوجدان

إحمينا كمان .. وكمان .. وكمان

خلى القرآن ويانا ليوم الدين مصباح

خلينا نقول للرب آمين .. ونكون مفتاح

نتهنى فى نوره وشهد ضياه





يقعد .. لوغلبه النوم يقرى القرآن

يصحى ..

علشان ينصح فى القوم بكلام مفهوم

الجهل ما زال

موجود فى عقول الناس على طول

والهادى معاه ..

نبراس للعلم علشان الكل يفوق

يقعد .. الكل يقف لضياه

الله الله الله الله

على سيدنا رسول الله فرحان بين الأصحاب

بيبوسهم واحد واحد ..

يسأل واحد واحد ع الأحوال

ويقول لبلال .. إدن علشان الكل يفوق

إدن من فوق .. خلى القلقان يرتاح

خلى المصباح فى الضلمه يقيد





سيدنا محمد جاب العيد .. قبل المواعيد

واتهنى معاهم بالقرآن

كان كل كلامه معاهم ..

نور بينور فى الواجدان

برهان على إن الله رحمن

وبأن محمد خاتم رسل الله

برهان على إن الصدق أساس ..

للقلب ان كان مصدوق

وان كان مع آية الله بيسافر فوق

وبيوصل للسموات

برهان على إن التقوى بتيجى مع الصلوات

وبأن الدنيا مكان موجود ..

بنجمع فيه كل الحسنات

وبأن الموت .. مستنى العبد فى كل مكان

وبأن الله اختار الهادى ..



يبلغ لنا رسالته في كل أوان
الله على ضى وجوده في نين العين
الله على صادق لنا أمين
على شرع المولى في روح الدين
الله على خط السير ..
لو كان من عند إله الكون
الله ع العون ..
لو جانا في ليله آيات وآيات
علشان الراحه تبوس في قلوبنا ..
وتملى كياننا بحب الخير
ومازال ومازال ..
واقف على كتفه الطير فرحان
واقف على كتف رسول مبعوث
يعطينا بنوره دروس ودروس ..
في المذهب صادق والأخلاق ..



الله على أعلى دواء وشفاء لاجل المشتاق
الله الله

بيروح الداء ويا الصلوات
إعطى ولا مره تقول للصاحب هات
وتملى تكون فى الدنيا كريم
يا رسول فى الأصل حلیم وعظیم
لك فى القرآن تعظیم موجود
خلاك بتسود بين كل القوم
خلاك بتدوم ..
بكلامك طول العمر لحد الموت
خلاك بتفوت ..

على أى مكان فافتح فى النوار
وتدوس يا رسولنا على الكفار ..
ومازال الكل بيحكى عليك يا رسول ويقول
يتكلم يخرج صوت الكلمه عقيق



عمره ما يقاطع حد في وسط كلام
تخرج أنفاسه بكل روايح دنيا النور
الحق لا يمكن لحظه يخاف م الزور
يوصلهم قول الله بوضوح
الروح توصل للروح
ويروح الكل لبیت الله
ورسول الله الهادي في كل طريق
أصبح لكل صديق وحبیب
أصبح لكل طبيب موجود
بيسبح في المعبود ..
ويسود الدين ..
بين كل بلاد الله ويقيد
مكه تتحول عيد بلقاه
لكن موجود كفار واقفين
رافضين في ضياه



بيراغبوا ليلاتي خطاه ونداه
ومازال الهادي في كل مكان ..
ماشي في حراسة ربه جبينه لفوق
وعنيه مليانه بشوق
يمشي .. فالدنيا بحالها تروق
ينزل للسوق .. الكل يهل عليه بحنان ..
ويبصوا يصلوا عليه بإيمان
ويقولوا الله
على عبد صبح للدنيا رسول
بيقول ويقول ويقول ويقول
وحديثه يطول ..
الحرف بيوصل ميت فدان
عدنان .. وجميل .. واصيل محياه
والسهره بتحلى ليلاتي معاه
الله الله الله الله



على بدر الكون لو كان إنسان
على نهر الشوق لو كان فيضان
على صوت كروان .. فى أذان معروف
على مدد الشوف ..

أصحابه بشوق واقفين واقفين
عايزين يشوفوه .. شلال النور
مدين الإيد .. وسلام بالدور
وتدور الدنيا .. ويملى الحقد قلوب كفار
لازم سيدنا محمد .. يهجر أجمل دار

يوصل لمدينة النور والخير
ومعاه فى حماه ملايين ثوار
مشوار كان عايز صبر رهيب
يا حبيب للكل وصلت خلاص
والروح مليانه ثبات وحماس
والقلب شطوط حب وإخلاص



والناس واقفين

من يوم ما قالولهم إنك جاي
ودخولك كان .. بركان الخير على أحلى ديار
سيبت الكفار ..

على إنك لازم ليله تعود
وتسود بالمبدأ ع الأباطيل ..
كان لك فى قلوب الكل دليل
وزمان يا حبيب

كان جوه السكه هلاك ومرار
وقسيت الويل ويا الخاينين
واصحابك قالوا عليك يا رسول
كان صابر .. كان بيدوق الشوك
يؤذوه .. يخونوه وقت الصلوات
ويقاسى فى نص الثانيه سبع سنوات
ولا ظالم مات



الله بيـمـد في عمر الظالم ..
لأجل رسول الحق ينول إحسان
يقرى القرآن كروان
يشرح في آيات المولى بحس رحيم
يبدأ أحاديثه ببسم الله
وساعات بكلام الله
مفاتيح تقواه .. تفتح في قلوب
البعض يتوب ..
والباقي .. بعد ثواني يتوب ويدوب
التوب يا رسول كان بالمقلوب
يا حبيب الله فعلت التوب
كان جوه السكه عيوب .. و عيوب
يا نجوم الله .. تاب المعيوب
وما زال القلب معاك بيدوب
ويتوب من كل ذنوب وياك



وما زال التوب متبارك بـبك

وبيلمس جسمك ..

بعدين تانى يسمى عليك ويا الاشجار

ماشى والجار فرحان بلقائك

والدنيا بتمشى يا غالى معاك

ولفين ما تروح بتلاقى إيدين ..

ممدوده إليك وياها نهار

حسان وياك ومعاه أشعار

والدار فرحانه بقعدة حب مع الخلان

وانت الفرحان باللمه وإن الدين موجود

ياحبيب فى الكون أصبح منشور

ويموت الزور ويا البهتان

بتشوف عريان ..

تجرى تغطيه بالشال والتوب

محبوب من كل العالم فين ماتروح



صوتك مبجوح ..

من كتر ماقلت آيات وآيات

من كتر ما قلت حديث وحديث

ومعاك البدر جليس يا رسول

بتطول بإيدك كل النجمات

وقت الصلوات ..

نلقاك على كل الدنيا إمام

وتكون قدام والكل وراك

قائد مسئول .. عن كل حياة الناس والقوم

خيرك بيدوم .. ويلف العالم بالقرآن

وتكون الشمس تنور كل مكان مأهول

وتنول م الله كل التكريم

إنسان .. وحليم .. وعظيم .. وكريم

بتحب بصدق جميع الناس

وجميع الناس بتحب عنيك



وبتسعى إليك لو ضاق الحال
تهمس لبلال إدن يا بلال
علشان بصلاتنا يروق البال
الكل فى لحظه بيبقوا صفوف
لون الكفار دايمًا مخطوف
خافين من ناس مشتاقه إليك
خافين تفنيهم ..
بعد ما جاروا عليك يا حبيب
يا طبيب الأمه ..
وروح المبدأ والإسلام
بتقول يا رسول
الدين الصبح ..
لايمكن لحظه يكون أكاذيب ..
أوحتى كلام
الدين أحلام ..



تتحقق لو موجود إخلاص
مع ناس معجونه بصدق شريف
يقسموا فى رغيف التقوى على الطرقات
وجماعه يقيموا بشوق صلوات
حواليك يا رسول الله عشاق
بيصلوا بشوق تحت الصفصاف
وألاف وألاف وألاف
وسنين .. وسنين .. وسنين .. وسنين
خالد يا رسول ..
ولا يوم هانساوى خلودك بالخالدين
دا لأنك أصل وكل الدين
ولأنك فاتح فتح مبين
ومتين .. لو تحكم حكم شريف
تقسم فى رغيف البهجه على المظلوم
وتقوم مرتاح من يوم مشحون



نظراتك لنا قانون وقانون
وكلامك شئ يا حبيب في العون
والهك كن ف يكون فيكون
خليت الناس تعبد في الله
واحد وأحد وغفور ورؤوف
ولا ليله يا طه نسيت الناس
ولا يوم يا حبيب حسيت بالخوف
وتملى ليلاى تتطوف وتتطوف ..
على كل بيوت الأرض ..
تشوف الناس محتاجه لإيه
عارف يا رسول أحوال الناس
وازاي بيقاوموا .. شيطان خناس
وازاي ساندين الدين بالشوق ..
وجبال إخلاص
وازاي هايسود الدين على طول



وتقول وتقول وتقول وتقول

ولا تنهى القول

الوحي معاك جوه الأحاديث

الوحي معاك مع كل جليس

مليان علشان الكون أحاسيس

مليان إخلاص

واعوذ يا طه برب الناس

من كل كذوب بيجارب فيك

من كل عيوب جوه الكفار

من كل صديق مخلص بيتوب ..

وبيرجع تانى يدوب ويدوب ..

فى ذنوب وذنوب

من صاحب غارق فى الذات

تبدأ صلوات لله يا رسول ..

تحت الأشجار وف أى مكان ..





وفى كل أدان تقرى القرآن

وياك حافضين فى آيات الله

وياك أركان

ومعاك وجدان الناس مشغول

يا أعز بيان .. تبيان للناس

شمس الفرقان .. وهلال النور

داير ما يدور ..

بتخلى الدعوه تلف الكون

يارسول الله ومازلت فى عون ..

كل العايزين

زارع فى جميع الكون رياحين

بتشيل ألوان الكون يا رسول

زارع أشجار النور على طول

كان لما بيمشى فى يوم .. الطين ..

يخضر ويحضن فى النعناع





وريحان .. وسنابل قمح .. وفول
وفواكه .. خير الله ألوان
كان لما بيمشى ..
فى ألف طريق وطريق وطريق
أنور الله فى السكه تبان
وان حس فى يوم إرهاب محسوس
الأرض تعوم جوه النهجان
وان حب يعود .. بيعود من سكه جديده ..
تصير الأرض ريحان وريحان
وان نام سيّدنا رسول الله
فى الحلم بيقرى آيات قرآن
سيّدنا رسول الله إنسان حساس
فى جميع الكون لو رايح فين
هل يقدر حد فى هذا العالم
يقدر إنه يقول ويقول



إن المختار كان ماضى وكان
هل حد هايقدر تانى يشكك فى الديان
أو فى العدنان
أوحد ها يقدر يوم ينساه
كان عبد الله ..
ومازال ومازال ومازال ومازال ..
وهيفضل حتى ليوم الدين ..
مولود علشان الناس ترتاح
مولود وياه مفتاح لبيبان
بتوصل قلب العاشق دايمًا للرحمن
وان ليله نصلى بحب عليه
توصل لقلوبنا الراحة وراحة البال
ويروق فى القلب الصافى الحال
وبنوصل شط أمان وإيمان
يبقى الإنسان .. إنسان بصحيح





يا علاج ربانى لكل جريح
من قبلك ضاعت كل الناس ..
فى هبوب الريح
يا مريح لحديثك للعاشقين
يا حنين ومفيش من بعده حنين
ماشى وورك ماشيه الملايين
والنور محفوف دايمًا بخطاك
قلبنا وياك ..
أرواحنا فداك
ومازلنا ليلاتي بنترجاك
تشفع لقلوبنا فى يوم الحشر ويوم الدين
يا أمين على كل قلوب فى حنين
عاشين وياك يا حبيب الكون
قرآن بيحييك كن ف يكون
وصراط .. خليتنا نمرعليه



واختارنا نكون وياك يا رسول

ماشين على طول

وتطول مشاوير الصبر معاك

جوه الطرقات

ماشيين بثبات وبنور الله

نورك لو روحنا مكان نلقاه

ببيقيد ويزيد ..

ماشيين فى ضياك والإيد فى الإيد

وساعات يا حبيبى ..

بيدخل بين الصحبه خلاف

نقرى فى حديثك لاجل نفوق

نلقاتك من فوق

بتقول للناس .. إنسوا الخلافات

ننساها بإيه ؟

بحديثى معاكم والصلوات



العمر خلاص ودعكوا وفات
وختامكوا لآبد يكون حسنات
فنصلى عليك ونسمى عليك
نسجد وياك فوق الطرقات
يا رسولنا يا أكبر م المساحات
أو م المسافات

ومازلت فى قلب الكون نبراس
ومازال الناس بيقولوا عليك ..
فى كتاب النور والخير والجاه
كان عبد الله .. سيدنا المختار
كان نجمه لصاحب كهف الليل
كان لينا دليل .. فى زحام الكون
سيدنا المختار ..

كان لينا فى قلب العالم عون
سيدنا المختار .. كان لما يغيب فى الغار



يقلق أصحابه عليه
يخرج وعلامة الوحي (بريق) فى عنيه
والعرق الدافى الصافى على الخدين
فرحان وحزين
فرحان على (سوره) جديده من القرآن
وحزين على ناس رغم الإسلام ..
عابده الأصنام
أيام وتمر عليك يا رسول
أطول يا حبيبي من الأعوام
والأم من كافر بالقرآن
بس الرحمن ..
كان ماشى معاك طول المشوار
قاعد فى الدار .. أو جوه البيت
النور بيهل على الماشيين ..
وعلى القاعدين



وعلى النايمين
إتغير شكل الكون بضياك
مكه بقى ليها وجود وكيان ..
وحديث الكون
كافر مجنون ..
بيراقيبك ليل ونهار على طول
وانت يا رسول الله محفوظ ..
من رب إختارك للتبليغ
بلسان بحروف الحق بليغ
ولا خايف أبدا من أندال
الحال يا حبيب الله بيروق ..
لو عددك زاد
كتروا الرواد ..
أفواج .. أفواج .. أفواج .. أفواج
صبح الإسلام على راسهم تاج



كثروا الحجاج ..

بمكانك مهما يكونوا بعيد

والخير بيزيد .. والنور بيزيد

وأمم بتجيلك دون مواعيد

وصبحت إمام

يعلى الإسلام .. يغلى الإسلام

دا لحد ما أصبح شئ موجود

خليت يا حبيبي الحق يسود

ماشى والأرض .. بتذكر دائما فى الرحمن ..

وتسمى عليك

ماشى ودموعك ع الخدين ..

خوفا على كل جيرانك من إبليس

قاعد جبريل

أوقات بيكون فى القعدة جليس

وساعات بيقوم





دا لأن حديثك وحى شريف وعفيف
باصص على كل الناس بعيون ..
مليانه محبه وشوق وحنين ..
وآيات وحديث
ولا كنت رئيس ..
ولا كنت فى يوم غير عبد شكور
قائد فى طابور فرسان للنور
مخلص لله .. بتوصل كل رسالته ..
بكل أمانه لكل الكون
إسمك بقى جوه الناس محفوظ ..
ويفوز مين يقعد جنبك ..
تحت نخيل الشوك
نورك مطلق نحو السموات
ولا واحد فات ..
غير لما رمالك ألف سلام



وترد عليه ..

بكلام بيزيد عن قوله كثير
هيبه .. وجمال .. وأمانه .. وذوق
وعروق مليانه إيمان وثبات
ويشوف الناس ..
يا حبيبي دخولك جوه الغار
ويقولوا لو يشوفوك فى خروج
خارج م الغار مرجوف
ملهوف على إنه يوصل ..
قُول الله لجميع الناس
جبريل طمّنه ع الحال
وبأن الله هايراعى مسيرته لآخر يوم
سَيِّدنا مُحَمَّد بص بشوق ع القوم
ووصل لخديجه ..
خديجه الطاهره بتحضن فيه



وتبوس في إيديه ..

وتبوس في عنيه ..

وتبوس في الشال

الحر شديد ..

ويقول بردان .. تجرى تغطيه

وتطمئن قلبه .. يحاول تانى يعيد ..

كل الى اتقال من روح جبريل

بَلَّغُهُ سلامات الله وبأنه ختام

وبأنه هايفضل طول العمر ..

سلام على أرض الكون

وبأنه بفضل الله هايكون في العون

وسلام على كل الناس

خارج في القلب كلام محسوس

والسكه جاسوس كافر وجاسوس

وانت الى مآمن بالأقدار



وبأن النار ..

هاطول العاصى إن كان غدار

خارج وضياك يا حبيب

سابقك على كل مكان فى الكون

الزهر بيضحك ليك

والنخل يطاطى ويحييك

ونجوم الليل حواليك حارساك

والشمس بتهدى معاك ..

جوه المشاوير

والطير بيرفرف فوقك صوته رقيق

وبيوت الناس مفتوحة الباب ..

علشان ترضيك ..

بدخولك ليها مع الأصحاب ..

وخطاوى السكه بصبر وشوق ..

تستنى قدومك لاجل ما تفرح بالخطوات





حتى الصلوات .. بتطول علشان ..
تفضل جواها كمان وكمان
شبابيك الدنيا ..
بتفتح لما تشوفك جاى يارسول ملهوف
وملايكه صفوف
وصحابه لكل الناس بتشوف
والناس جايين على مدد الشوف
والكل يا طه بفرحه و شوق
بيبوس فى خطاك
ولا لينا رسول أبدا إلّاك
ولا لينا شفيح فى الدنيا سواك
ولا حد ها يفتح ..
لينا ببيان الجنه فى يوم معهود
غيرك يا شفيح
الرب مطيع



للتقوى سريع

وإن حد يضيع تتمد إيديك ..

وتشيله بحب من البركان

الله يارسول هادي وعدنان

الله يا محمد ..

جايب لينا حروف قرآن

يهدينا ويسند فينا لفين ما نروح

ينقذ في الروح

من فرقه رهيبه عن الإسلام

بياخدنا كتير يا رسول قدام

يهدينا .. يحن علينا بسورة نور

شافك عصفور واقف ع السور

فنداك يا حبيب

نزلت في دموعه وبلت ريشه وقال الله

يا رسول الله يا إمام ياهمام



مبعوث خدام لله والكون
ونيران بتدوس فوق الملعون
وحسام بيحارب في الكافرين
سيدنا محمد والمبعوث وختام النور
ولا ساحر أبدا ولا مسحور
ولا راضى في ليله بقول الزور
ولا شائل غير عهد الإسلام
سيدنا محمد باصص ع الأصنام
مستغرب جدا من أفعال القوم
لكن مطمئن إن هاييجى اليوم
ويآمنوا برب كريم قيوم
وبأن هاييجى اليوم يا حبيب
تنتشر الدعوه في كل مكان
ويسود الحق ..
تجود الأرض بقمح النور



العالم يبقى طابور
بيقدم لك إثبات ..
على إنه شريف وعفيف
مخلص ومأمن بالإسلام
وبأنك طول العمر هاتفضل نور ع الكون
وهاتفضل ويا الناس قدام
وسلام على روحك جوه مدينة الخير
وسلام على روحك جوه جميع الأرض
وجوه السما وقلوب الناس
ماشى والقلب جبال إحساس
تسأل ع الناس وتزور فى مريض ..
وتسددين مديون
وتكون فى العون ..
لصديق محتاج دائما للعون
وتداوى فى كل مريض تعبان



وتقول على طول سورة الرحمن
يرتجف الكل إن زاد القول
عاشقك يا رسول
وجميع الناس دايمًا عاشقك
ولا لنا سواك هانسمى عليه ..
ونصلى عليه .. ولا لنا سواك
مليون شباك ..
فى حديثك لاجل قلوبنا تشوف
وتدوق فى ضياك
مليون شباك ..
فاتحين على ضوء الفجر ..
وشوق القلب لخير موجود
يا أساس الجود
نهرب أوقات .. وضرورى نعود
وتشوفنا ان حتى صحبنا بعيد

تناديننا عشان نرجع ونقيد

شمع الحسنات

ومفيش مسافات ..

بينك وما بين العبد ان كان إنسان

ماشى ويمام الشجر الصافى بينده لىك

ويبص عليك

ويسمى عليك

وبيقرى معاك سورة الرحمن

ويرفرف لاجل يجيلك ..

لما بتبعد عنه يا نور الله

يا هلال الغار

داخل ع الغار ..

تستنى بروحك وحى جديد

ويجيلك ليلة العيد

فى آيات مبعوته من الجبار

تتنزل روحك جوه الغار

الضلمه بتبقى نهار

والكون يحتار

سيدنا محمد ..

بين الناس أصبح مختار

يخرج م الغار يتلفت ع الأصحاب

ويشد الشال على كتفه ..

يبص لقمر الليل

أو شمس اليوم

بين الضحيان والنوم ..

يوصل لسريره عشان يرتاح

وينام .. ما ينام

ويقوم من نومئه الصاحي

ويخرج بره البيت

يسند على أول صاحب صادفُه ..



ويمشى معاه
ويردد فى القرآن
تنزل دمعاته على الخدين
الصاحب يبكى بصوت مسموع
سيّدنا محمد يسحب إيداه ..
يطبطب فوقه ويبكى معاه
خوفاً م الله يا حبيب
خوفاً من إنه يكون ..
قصر أو كسل فى الإبلاغ
إبلاغ الدعوه لناس ملايين
علشان الدين ..
ما يروح لجميع أركان الدنيا و يبقى حبيب
مع إنه هايرجع تانى غريب
واللى هايتمسك بيه على طول
ها يكون وكأنه فى قلب جحيم



والجمره فى إيده بتحرق فيه
يارسول الله .. الكون ملهوف ..
عشان ما يشوف قولك محفوظ ..
فى قلوب وقلوب ..
ونتوب للمولى ..
لأن القلب معاه بيدوب
بنحبك حب الطفل لأمه .. وحبه لآبوه
بنحبك ..
حبك بان فى وجوه كل الأركان
وفى أى مكان ..
نلتاك مستنى قدومنا إليك
الله بيصلى عليك
ويسلم ليك ..
الوحى عشان الأمه تكون ..
محفوظه من الخرافات



صلوات .. صلوات .. صلوات .. صلوات
وآيات بتزلزل .. حتى الجبل الراسخ من
أزمان

وحروف قرآن قايدة السموات ..
بنجوم التقوى ..
وقمر الحب .. وشمس الشوق
فى حروف الكل يا طه ..
حديثك جوه الناس على فين ماتروح
ولفين الروح ماتروح
نلقاك مستنى العبد التايه ..
فوق السكه الصعبه
وعايز لسه لقاءه
الله الله الله الله

ع العابد لما يجينا بقلب عفيف و شريف
ع الصاحب لما يجيب لكل رغي

معجون بدقيق إخلاص

على ناس .. لو تصبح ناس

على ألف شيطان خناس

منداس من روحهم بالقرآن

الله على كل مكان يارسول .. بيساعى

القوم..

فى سجودهم م الفجريه لرب رحيم

قادر وعظيم

وحليم لو حتى نقابله بنار نسيان

فاتح أبواب الجنه لكل موحد ..

كل قلوب مليانه بإسمه ..

وإسم محمد .. والقرآن

على كل الحاضر ..

جوه عنيه سورة الفرقان

الله على أحمد والخلان ساجدين حواليه



يا حبيب الروح والعين على طول
يا أعز رسول
في حياتنا بينده لنا نتوب
في شروق وغروب شافيين في ضياك ..
بنصلي معاك كل الصلوات
ونبات والبال مرتاح ورقيق
يا أعز صديق .. على أغلى طريق
لو يوم القلب يضيق نلقاك لكل رفيق
بتنادى بصوتك واحد تاه في دواير تيه
فتطبطب إيدك تانى عليه
وتوجه فيه
بعدين تهديه لطريق مفتوح
يا حبيب الروح وهلال الضوء
يا طبيب الأمه ..
وروح الكل وشمس الضوء



بتبص لفوق .. تلمح فى سحابه بتنده ليك

وكان الشمس الطاهره بشوق ..

نزلت فى عنيك ..

تتوضى بدمع شريف

وتصلى على الحصوات

وان واحد فات مخنوق .. ترضيه

وتزوره فى بيته ..

تسد كل ديون يا حبيبى عليه

قاعد .. والنور حواليك بيطوف

وصفوف وصفوف ..

باصين م البعد عليك يا ضياء

كل الأسماء تصغر وياك

تتلاشى معاك

ويجيك كل الناس يارسول ..

من آخر الكون





عربون لمحبه هاتفضل لما لآخر يوم

وتلوم وتلوم

لو شوفت الصاحب شايل حقد على

الأصحاب

وإن شوفت صديق كداب أو دون

الله وياك دايمًا في العون

والقلب معاك يا حبيب المولى ..

وفين ما تكون ماشيين وياك

نتعلم منك كل جديد

ونعيش العيد وياك أعياد

يا أساس الزاد والقوت والنور

بنفوت على كل مكان نلقاتك ..

نجمة إخلاص وحنين وحنان

وأمان للسائل والمحروم

زواد للقوم





وزهور بتخلي الدنيا ربيع ..
وروايح ضوء
بتطبطب دايم ع المخنوق
وبتطلع جوه الغار على فوق
تلمس في سحاب مشتاق لعنيك
بيصلي عليك ليل ويا نهار
وبيملي الدار أزهار ترضيك
تسلم لكل عنيك وسناك
يا إمام على كل الدنيا ومالك في الأكوان
الله إعطاك كل المفاتيح
تصبح شلال لو طال الليل
تصبح ترياق على كل جريح
تتكلم .. تبقى صريح في القول
يا رسول وختام لكل ونور ..
ونجوم الضوء



يا شعاع مخلوق لاجل اللى احتار

الجنه معاك بانث والنار

أخذت تيار كل الكفار ..

للوداى الضلمه وشط التيه

مع فين يا حبيب القلب وليه

قالوا الكفار

يا حبيب وأمين فى جميع الكون

مع (كن فيكون) صلينا معاك

وذكرنا معاك كل التسابيح

لا خديتنا الريح أبدا للنار

ولا دوسنا فى يوم على قلب جريح

يا لسان يا فصيح

بيفسر لنا معانى عظيمه من القرآن

وبيشرح لنا ازاي العالم يبقى مريح

وازاي نتهنى بدين الله



الله الله الله الله

على عون الله دايمًا لو زاد

على زاد هايجيبه ضروري معاه

ماشى سيّدنا محمد ..

كُترو الصّحبه الطاهره معاه

بيقولوا كلام الله بحنين

ويبصوا عليك يا أمير الكون .. يلاقوك

سرحان

جوه الملكوت .. داخل ومعاك قرآن

ويجيك صوتهم دافى كأنه شعاع ملهوف

مابقاش للخوف يا حبيبي مكان

ولا عاد إنسان

غير ماشى وراك يا رسول الله

دا بإستثناء بعض الكفار

فاقدين الدين ساعين



أذاك .. الكل يبتمناك مبعوث
يا دروس لكل علشان يرتاح
تعطى للكون مفتاح لبيان ..
مقفوله فى وش العاصى ..
الناسى أصول مولاه
الله الله الله الله
على خط السير الواضح للأهداف
ماشى ولا عمرك يوم هاتخاف ..
غدر الأندال

[إدن يا بلال]

يدن ويهز بصوته ..
جميع أركان الكون بحماس
تتجمع كل الناس حواليه
ويصلوا معاك صفيين صفيين
تسأل ع الكل .. (فلان راح فين ..
لازم تزوروه)
أو تتجدد دايمًا كل وجوه ..
القاعد جمبك م الأصحاب
عدد الصامدين بيزيد ويزيد
وتقيد الليله بميت مصباح
الله على قعدة حب ..
فى حضن رسول وحبيب الله
الله على وجه ضياء وسماح
الليل رواح ..



والفجر مازال بيدق الباب ..

علشان نرتاح

يتوضى رسول الله بالنور

يتوضوا بحب معاه ووراه

ويقولوا جميعا فضل الله ..

إن إحنا معاه

يتبسم بسمه حب لكل صديق وياه

يبدأ فى صلاه

ولا يدعى دقيقه على الكفار

يدعليهم بعد صلاته ..

بألف هدايه وقلب سليم

تعظيم يا رسول الله تعظيم

يا عظيم فى جهادك لاجل الدين

مزمل هادى روعف وأمين

وسنين بتمر وتيجى سنين





ولا عمرك لحظه فى يوم مليت

تخرج م البيت ..

يخضر الشجر الناشف ..

تجرى سحابه وراك

تمشى ع السكه ..

تلاقى ملاك موجود وياك

تتنهد كل الأرض بفرحه عشان لاقياك

تتكلم ..

تبقى الدنيا سكون فى سكون فى سكون

الكافر صابه جنون

فبدأ يتأمر تانى عليك

بس الأصحاب واقفين حواليك

بقوا ألف حمايه من الغدار

ومن الزاحفين دايم ع النار

و بيسقوا رسول الله فى مرار



كثروا الكفار فعلا حوالبك

بس انت معاك أصحاب ..

الواحد فيهم يوزن ميت مليون مليون

الله فى العون

والكون فى شوق بينادى عليك

تدخل بعنيك من تانى فى قلب سحابه ..

فتشتى نجوم

تنده على قوم حوالبك مشدود

" يا عباد الله .. الله موجود

بيجود على كل عباد الله لو بصوا عليه

الكافر بكره يعود للنور "

العاصى هايرجع تانى إلبك

يسجد وياك ويا آمن جنبك بالقرآن

وبأن الله واحد وأكيد

وبان العيد ..



مستنى رسول الله الهادى ينادى عليه
حواليك يا حبيب الله أصحاب
الواحد فيهم يسوى آلاف
عمره ما بيخاف
وعلى إستعداد يفديك بالروح
يا حبيب الروح
وحبيب القلب إن كان شفاف
يا ضفاف الرحمة ..
وضى عيون مليون مشتاق
ملايين عشاق .. لضياك وسناك
النسمه بتبقى ريحان وحنان ..
لو تلمس فيك
والكل بيبقى جميل وأصيل ..
من نظرة شوق وإيمان بعنيك
ونلاقى الناس دايمًا حواليك



بيحسوا براحه .. كل الساحه بتنظر ليك

الله على ضىّ عنيك يا حبيب

يا طبيب للسائل والمحروم

ولكل القوم

الديب بيبص عليك مسعور ..

مدارى ما بين أشواك وحيطان

ولأنام شايلين الخنجر ..

جوه الجيب يا حبيب الله

رحمن فى علاه بيصلى عليك ..

ويبارك فيك

وبيعطى أصحابك بحر الصبر ..

وبجر القوه ..

عشان يفضلوا وياك

وعدهم كل دقيقه يزيد

العالم كله صبح إسلام





والجنه خلاص إفتحت للعاشقين

وانت يا أمين ..

فرحان مبسوط بحراسة الله

وبأنه إختارك لأجل توصل كل رسالته ..

لكل الكون

ولا عمرك كنت فى يوم مغرور

ولا عمرك كنت فى يوم مفتون

ولا مره نسيت إنك إنسان

عدنان ورسول .. من عند الحق ..

وكل آماله يسود الدين

ويسود الدين

يخضر القش .. ويصبح قمح

لناس محتاجه تكون

وبتطلب لسه العون

تلمس فى ضلوع الشاه بحنان





فيقضى حبيبها يا طه آلاف
بتشوف كفار ماشيين بسيوف
لكن يا رسول عمرك ما تخاف
تقعد يا رسول الله بحنان
تسند على شجره ..
فتقعد كل الناس حواليك
تسجد لله .. يسجدوا وياك
مش وقت صلاه
لكنك دايمًا تسجد فجأه على الطرقات
وتبات يا رسول الله بوضوء
جواك الشوق لله بركان
جواك أحزان ..
على ناس فاقده الإدراك
مش راضيه تروح وياك يا حبيب ..
إلى حيث الجنة وكل نعيم



الكون اعطاك دايمًا تعظيم
وإحنا اللى مازلنا يوماتى نصلى عليك
بنجيلك أحلى مدينه شريفه ..
عشان لقياك
نبكى بدموع ..
لو حتى القلب رآك لحظات
ينتابنا خشوع ..
لو نلمس بابك أو شباكك لمسة شوق
نلقانا بنطلع فوق ..
ونطول كل السموات
إختارك ربك لاجل ما تفرض فى الصلوات
وتفسر لنا أصول الدين
أحاديث بتزود ضى العين
وبتاخذ روحنا لساحه مريحه من الإخلاص
مع سورة الناس نرتاح فى حروف ..



من عند الله

الله الله الله

على روح العبد ..

إن كانت دائما جوه صلاه

على قلب العبد إن تاه فى الكون

وسمع فى رسول الله ونداه

صوتك يا رسول باين بوضوح

بيرد الروح لبيبان مفتوحه ..

من الجنين

صوتك يا أمين شلال لحنان ..

وإيمان وحنين

صوتك أنهار ..

من مسك ومن ريا حيين

بتنادى علينا .. نقول لبيك

ونصلى عليك بالروح والعين





وبنيجى إليك ماشيين مسافات
تحلى الصلوات ..
فى الروضه الخضره معاك يا إمام
كانت أحلام
وتحقق لنا الحلم ..
بحق المولى وحق شفيع
لو روحنا معاك .. عمرنا ما نضيع
ولا يوم هانتوه جوه الطرقات
الهارب من أراضيك يا حبيب ..
زى الأموات
ونبات علشان ..
يمكن يا حبيبى تجينا فى أحلى منام
تحلى الاحلام ..
لو كنت معنا فى ليلة شوق
الدنيا تروق



ونقوم الصبح ..

نلاقي الضى فى كل مكان

يا حنان ولا بعده حنان موجود

يا سجد على طول لاجل المعبود

ونعود تايبين ونعود ونعود

المسك بينده فوق العود

تتبسم تملى الكون بشذاك

ويخضر صوتك أرض البور

تسند على شجره بتدبل ..

نسمع صوت النور ..

بيحرك فيها ..

فتصبح ألف جنينه بتعزف قوت

وتفوت على كل بيوت الناس والباب مقفول

تتفتح ليك كل الأبواب

يخرج من كل بيوت الدنيا آلاف والاف





ولا واحد خاف غدر الكفار
ولا واحد فكر يهرب م التجريح
عاشقينك جدا قلب صريح
عاشقينك جدا حرف فصيح
وطريق مفروود علشاننا مريح
يا رسول الله زوقت البيت ..
بأيات محفوظة مع التسابيح
صديت الريح ..
عن كل اصحابك فى الطرقات
ودعيت الرب مع السجادات
وبقيت حكايات يحكيها الكل بفرحه عليك
إعجاز ولا بعده فى يوم إعجاز
وطريق ألماظ
دليت الكل عليه يمشوه
ولا واحد أبدا قلبه يتوه



طول ما انت معنا فى كل دروب

وياك بنتوب ونتوب ونتوب

ننسى الأخطاء.. لو فيه أخطاء

وندارى الداء بحديث مبروك

وبنمشى بشوق مع ناس حبوك

ونقول الروح والعين يفدوك

وإن سكه تطول

ننده يا رسول العدل عليك

توصلنا كانك كنت معنا ..

بدون ما نشوف

ولا عاد الخوف ..

يقدر يا حبيبى يعطل سيرنا..

فى سكك الخير

ولا يوم إحتاجنا الزاد م الغير

زادك موجود ..



ورغيفك لسه معاك ممدود

لاجل المحتاج

بنشوف التاج ..

بايس فى جيبك يا محمود

يا سحابة حق ماليها حدود

وبتشتى علينا الخير ألوان

جيب القرآن ..

ينقذنا فى لحظه من البهتان

ومن الأباطيل

بتهل علينا كأنك ألف هلال مطلق

تحضن فى إيدنا وتحلف لينا .. بأن الله ..

إختارنا عشان ..

تلمس فى إيدينا بشكل حبيب

الله يا طبيب القلب .. يا ضوء مصابيح

الله يا بيبان بتصد الريح



وتخلى الرزق علينا يفيض
العيد يوصلنا معاك يارسول .. قبل المواعيد
وتعيد القول .. ونقولك قول
وإن قلت بنهدي جميعا فى الإحساس
وإن رocht تلاقى جميع الناس
واقفه يا حبيبى فى دائرة ضوء
وإن غاب البدر ..
بتصبح ألف قمر على سطح الشوق
ويبص الناس لعنيك .. يلاقوها دموع
حزنان .. موجوع
مرتاح مسموع
وكلامك واصل طول الأرض ..
وعرض الأرض بعون الله
بتبص على القاعدين .. تعرفهم واحد واحد ..
تنده كل صديق بالإسم يا عبد الله



الله الله الله

أسماء بعد الأسماء

أكثر بكثير .. يا حبيبي من الأعداء

بس الى معاك

الواحد يوزن فيهم ألف وحتى يزيد

يا حديث للناس والكون بيفيد

ويقيد الشمس تدفى الكون ..

بأمان وحنان

يا إيمان ومفيش من بعده إيمان

سنتي الغفران دايم فدان

وطريق الحق بنور مليون

لاجل الإنسان المسلم ..

يبقى صحيح إنسان

ماشيين وياك فى طريق مليون ..

بالخير على طول



حافضين يا رسول ..
في حديثك لاجل نقول ونعيد بعد القرآن
بنشوف بعنيك ونصلى عليك ..
م الفجر لحد مانيجي ننام
إسلام .. ومفيش بعد الإسلام
وختام ..
ومافيش من بعدك أبدا أى ختام
وكلام من عند إله الناس
الله يا رسول مليون إحساس ..
وضمير وعيون
خليت الكون بهواك مفتون
خليت الواحد ..
لما يخون يصبح منبوذ
خليت المخلص بالإسلام بالحب يفوز
ويعوز الواحد شئ يلقاه



الله الله الله

على عبد الله ودفاه وضياه
على أحلى حياه ويا الإسلام
على ضىّ رسول مبعوت لقلوب
بتدق ببيان الله فى علاه
وبتسجد ويا الهادى فى نور ..
على أرض سناه
كان لما بيمشى ..
بتمشى نجوم السما وياه
تحرس فى خطاه
تتحول سبجه فى إيده ..
لذكر روءف غفار
ومازال كفار السكه هناك ..
واقفين واقفين
فى عينهم غدر الديب



لو يعوى فى قلب سكون
جواهم ليل وخواء وجنون
الله فى العون
ساند في رسولنا بنصر مبین
خلاه ملايين
واقفين على باب الدين يحموه
ولا لحظه يتوه جوه المغارات
واقف مولانا يحفض فى الصلوات
يجنى الحسنات ويا الاصحاب
ينفتح الباب ..
على ناس من كل مكان عايزاه
الله الله الله الله
ماشى والدين ع الكون مفروض
إنسان موعود
مفروود فى طريق دايمه مفروود



وجميل الوجه وصوتك نور
ما تحبش أبدا لون الزور
كالريح الطاهره فى كل مكان
مُرسل يا حبيبي من الرحمن
مرسل لنجاة الكون م الكُفر
الفارد ألف جناح
على مكه وكل زوايا الأرض وروح الناس
بتساعد أى رفيق ينداس
وتساند أى صديق محتاج
تتحدى جميع أمواج الزيف
وتجيب فى رغيـف الصبر الحانى لقلب حزين
الناس محتاجه ياطه معين
والقلب اختار .. من ظلم العاصى مع الكفار
تسأل ع الجار ..
تسأل عن طفل يتيم محروم



ويفوت اليوم..

وما زالت في سعيك رايح جاي

ولا قلت إزاي هاقدر أرتاح

سواح بين كل بيوت القوم

بيفوت اليوم يا حبيبي عليك ..

وكأنه ساعات

أمك يا حبيب الله والكون

شافت في الحمل شعاع من نور

كان واصل كل قصور الشام

هاتف قال ليها بصوت شفاف

إبنك هايكون للأمه إمام

لو لمس الأرض تقولى بشوق

(يرعاك الواحد يا محمود عند الجبار)

كان نورك مالى قصور وقصور

(بصرى) .. مع كل زوايا الكون





أحمد ودا إسمك فى الإنجيل
ومحمد فى القرآن يا حبيب
الخير ملئ قلب حليمه ..
وبيتها وخلق الأرض عمار
مع أول رضعه يا سيد الناس
وابوطالب راح الشام ..
فى تجاره وكنت معاه
الراهب شاف ..

يا حبيبى غمامه بتحمى عنيك
حضنك .. والناس قاعدين حواليك
سألك باللات والعزى ..

فقلت بلاش .. تسأل باللات والعزى ..
لأن القلب بيكره حتى سيرتهم بين القوم
قام بص فى ضهرك شاف الخاتم ..
قال دا رسول





وسال أبو طالب ..

قاله دا إبنى ..

فقال الكاهن م المفروض ..

الطفل دا يبقى يتيم ووحيد

حافظ على ابن أخوك م الكفرة وأى يهود

يا رسول الله

بالعدل دعيت الناس والقوم لأجل الإسلام

وبحقن الدم ..

وصلة الأهل مع الأرحام

وعبادة الله بالصلا والصوم

والحج لبیت الله

والرفض لأى صنم موجود

يا أساس الجود والخير والضوء

يا شراع الحب فى نهر النور

يا قمر بيدور بين السموات



يا طريق مليان شجر المعروف
قرآن ع الأرض بيمشى
عشان الكل يشوف
قلبك ملهوف دايمًا على أى حبيب بيغيب
الشوك يتحول لما تدوسه لجوز الطيب
تعدل فى عبايتك فوق الكتف ..
فيجربى الكل عليك
بيحاولوا يبوسوا إيديك
فتسيب فى إيديك
بعدين بتحط الإيد فى الجيب
تخرج مليانه بقوت
تخرج مليانه ياقوت
يتبسم ورد السكه وشجر التوت
يتبسم أى نسيم بيفوت ..
على سحر عيونه يسمى عليه



يجرى ع السائل لو محتاج ..

علشان يعطيه

الزاد فى إيديه بيزيد ويفيض

والنور فى عنيه عناقيد عناقيد

وسحابه عليه .. بتنادى عليه

وتسمى عليه .. وتصلى عليه

والناس حواليه بيزيدوا كمان

قرآن وبيمشى ما بين الناس ..

أعظم قرآن

وتقول يا رسول

وانا خارج جوه شعاب ..

البلد الأمن مكه ..

وماشى ما بين وديان مبروكه ..

سمعت الحجر المرمى بينطق لأجل يقول

يا سلام المولى عليك يا رسول





حتى الأشجار ..

كانت بتقلى سلام الله وصلاته عليه

دا لحد ماجانى فى يوم جبريل

في (حراء) فى طريق رمضان

أبو جهل لكل الناس بيقول

(أنا كنت بقول ..

لو شفت رسول الله فى سجود

فى دقيقه هادوسه عشان ارتاح

ودخلت الكعبه فى يوم معلوم

فلمحته وهو بيسجد للرحمن

لكنى لقيت ..

بينى وما بينه خنادق ضلمه ونار)

رديت يا رسول الله يا حليم

لو حاول إنه يقرب منى ..

كنت هاشوف .. أكثر من ألف ملاك وملاك





خاطفين أعضائه بدون ما يحس بشئ موجود
يا رسول الله ..

وخرجت مع الصديق من مكة ..
صادفت في عنزه هزيله ضعيفه ..
لمست في ضرع لبنها ..

شربت وشربوا وأمنوا بأنك نور الله
هاجروا وياك يا رسول الكون
في (الطائف) روحت دعيت لعبادة الله يا
رسول

متوكل .. مش كداب .. ولا فظ ..
وعمرك يوم ما صبحت غليظ
ولا جوه السوق (صاخب) بزعيق
وبتغفر للى يسئ ..

أوحى الرحمن لداود
إنك مبعوث من رب عظيم



وصيت على مصر يا عبد الله ..
لو تم الفتح لابد يكون أهلها فى أمان
الله على طه الهادى رسول الله نورنا العدنان
كل الأشياء
بتسمى عليك وتصلى عليك
تتمسح فيك
القطط الطاهره تبوس رجلك
تتبسم تانى .. تبص على السموات
تُفرك فى إيديك ..
العرق الطاهر لسه مبلل لك فى التوب
والتعب الواضح جوه عنيك بيبان
من طول كل المشاوير يا رسول
خليت العالم كله تسامح بالأخلاق
قلعته هدموم العنف مع الإرهاب
دستورك كان قرآن مبعوث



بيدوس على ديل الشر على الأنجاس
أسست مبادئ لاجل الناس ما تشوف
وبنيت بالنور والخير يا حبيب
فى قصور الحق مع التسليم
يا أشرف كل عباد الله
من حيث النسب الصافى مابين القوم
يا أجمل واحد فى الأخلاق
طيب .. ونفيس .. ضوءك بيبان
تملك فى فراسه وعدل مهيب
وحياء ونقاء
وجمال مش باين زيه مثيل
المظهر .. زي البدر جميل
الشمس بتجرى فى كل ملامحك ليل ونهار
والأرض بتطوى جناحها إليك
علشان ما تحسش بالإرهاق



اللؤلؤ جوه جبينك بان
وكانك ليلة بدر رقيق
كفك يا حبيبي كأنه حرير
ريحتك يا رسول ..
أجمل م المسك وم الأزهار
أحمد .. ومحمد .. ماحي
وحاشر .. عاقب .. رحمة نور مهداه
صادق .. مصدوق
وروءف .. ورحيم ..
وكثير وكثير وكثير وكثير
بتقرب كل الناس م الجنه وم الرحمن
تنهيههم عن أفعال السوء
متوكل دايم ع الجبار
صاير على كل طريق مسدود
مختار وحبیب



يا نبي التوبه ونجم الليل
يا شفيع ولازيك تانى مثيل
يا بشير ومبشر قلب الناس ..
بالجنه الطاهره .. وراحة البال
فايت على كل الناس يا رسول ..
تسأل ع الحال
وتظمن قلب الكل ان كان في الليل قلقان
قرآن وما بين الكل ايات
وتقوم وتبات دايمًا ملهوف ..
على أيه تجيلك من جبريل
ولا لك في الكون يا حبيبى دليل
غير الرحمن
ولا أى رسول يوصل لضياك
خاتم مختوم بالنور والدين
وحبيب وأمين



ما بقاش القلب يا طه حزين
من بعد ما كتروا الناس حواليك
والأرض خلاص ..

بتصلى عليك وتسمى عليك
وما عادش دموع بتبان فى عينك
غير دمع الشوق والإستغفار
ماشى فى حماية رب روعف
المِسْك بريحته يبان على بُعد الشوف يا
حبيبته

تشرب م القله وكل ما تشرب تانى تزيد
عشرين ثلاثين تسعين يشربوا وياك
وما زال فى القُله مكان لآلاف
ومازال فى رغيّف النور فدان ..
يشبع ملايين
أكثر من شهر يا نور الله



عائشين على تمر وميه قليله وآيه حلال

الخبز شعير

بتوصى إمام الناس على طول يرحم فى

الناس

ويخفف عنهم ما يطولش على الراكعين

وعلى الساجدين

بتساوى ما بين الناس والناس

تحلب فى الشاه بإيديك يا رسول

وبتغسل توبك .. لاجل تريح ..

قلب خديجه من الإرهاق

أجود م الريح وفصيح فى القول

الله يا رسول

ربك خلاك رحمه على الناس

ونجوم بتدوس فوق الظلمات

زلزل بيhez الأرض ويقضى على الخرافات



بصيت .. فلقيت عابدين أحجار

عابدين أشجار ..

وعقول مش عايزه تعيش فى إيمان

خمره و فجور وقصور فى الدين

باطل موجود بين كل الناس

تستقبل كل آيات الله بضمير معهود

تفضل فى سجود على أرض الله

حليت مشكلة الحجر الأسود بين القوم

وصبحت حديث ..

معلوم مفهوم فى جميع الكون

ومازال الكافر جوه ضلام الليل مسجون

ومازال غرقان .. فى الباطل دايمًا والبهتان

كان مستنيك جبريل فى الغار..

ومعاه قرآن

تبيان من رب عليم موجود





ف أمرت جميع الناس بسجود
فلقيت الناس ساجدين وياك
الكل يا طه النور مشتاق دائما للقاء
محتاج لضياك
والرب معاك على فين ما تروح
يا حبيب الروح .. والكل معاك
وملاك في شمال وملاك في يمين ..
حواليك يا أمين
وشيطان الليل ..
بيبص عليك دائما في ذهول
محتار يا رسول
مش قادر يعمل حاجه معاك
الله .. يا شמוש الحب على البردان
الله ع الوحي بيوصل ليك وياه قرآن
الله الله .. الغايب بان .. وصبح بركان



وصبح عنوان للدين
السنتى خلاص أصبح فدان
وبيبان الدنيا هاتفتح للعاشقين
يا كحيل العين يا يتيم .. يا شعاع مبروك
ما قدرشى فى يوم .. حتى الكارهين ينسوك
ولا قدروا فى يوم ..
يطفوا فى الشمس الحاضنه عنيك
ولا قدروا فى يوم يحنوك يا أصيل
ولا قدروا يدوسوا عليك بخيول ..
الحقد ونار ويا الابطيل
قاعد فى الليل ..
تستنى اصحابك لاجل تقول
الله يا رسول الحق وقمر الضوء
الله يا لىالى الشوق عند العشاق
لا فراق هايتم ما بيننا فى يوم ..



ولا يقدر أى فراق يدخلنا ..

فى ليلة خوف

الخوف يا حبيبى

يكون مكتوب فى آيات الله

الخوف على واحد تاه بين الظلمات

وانت يا حبيب الله بالذات ..

معصوم من كل كلام مغلوطة

فاتحالك كل بيوت الدنيا لأنك وحى الله

ولأنك عبد الله

ولأنك جيت من أصل أصيل

من عز طفولتك وانت يتيم

وانت التعظيم .. وانت الأستاذ

الحرف فى كل حديث ألماظ

وان عاز القلب حاجات تعطيه ..

لؤلؤ وعقيق



على كل طريق مفروش نلّقاك ..

بحديث محفوظ

ونفوز وياك ..

بالجنه الطاهره وراحة البال

نكتب عن ضى عنيك موال

تنزل فى دموعنا تصلى عليك ..

وتسمى عليك

بعدين تناديك

تشفع للقلب فى يوم يا شفيع

يا ربيع مش ممكن تانى يزول

عاشقيناك ليل ونهار على طول

شايفين النسمه بتيجى إليك دايمًا يا حبيب

دونا عن خد جميع الناس

شايفين وسواس دايمًا خناس

باصص بالخوف ..



على حرف شفايفك لما تقول
وبيهرب منك فين ما تروح
ويروح علشان .. يضحك ع الناس بأذاه
الله في ركابك ليل ونهار
بدأ الكفار يهربوا لكهوف ..
والخوف في قلوبهم منك
رغم بانك شخص رحيم
يا عظيم على كل عظيم في الدنيا ..
بدون تفخيم
يا كريم على كل ضيوفك ..
حتى على الأغراب
ينفتح الباب .. فتلاقى البدر بيستناك
والنجمه معاك على فين ماتروح
فرحانه يا نور بلقائك وسناك
وسعيده بسهر الليل وياك



وبتبحث عنك لما الليل يدخل لحماك
يا جميل الهيئه يا ضى ما زال يبهز الروح
كان صوتك جوه الليل مبجوح ..
من كُتر نداك
كان قلبك رغم النور مجروح
ساعة ما الصمت أمر بأذاك
ساعة ما شربت (الحنضل) م الكفار
ودعيت لكل ..
وعمرك يوم ما دعيت على شئ
تقعد .. فتقرب ليك السما ..
دا لأنك أغلى رسول
ولا كنت فى يوم أبدا لعان
ماشى بهداية المولى ونور قرآن
ماشى وعبير الكون بىكون .. كالضل وراك
وإن حان الصلا نلقاتك ملهوف



على سجدة تشيل شلال الخوف ..

من كل الخايف من كفار

تدخل ع الدار .. تبتسم الدار

تتفتح كل بيانها بشوق ..

تتحول فيها الضلمه نهار

تصبح بنسيمك أوسع دار

تتمد إيديك لطبق مليان

يتملى يا حبيبى كمان وكمان

ويقضى آلاف وآلاف وآلاف

لو أى خلاف .. بين أى أصحاب

بيزول فى دقيقه إن حضروا إليك

قمرين فى عنيك ألفين قنديل ..

ألفين مصباح

تمشى فتنور كل طريق تمشيه يا رسول

وتطول السهره مع الأصحاب



لا تعبتي في يوم أبدا من ليل

ولا ليله يا طه قفلي الباب

فيه ذهاب وإياب الناس .. باصين ..

على حق مبين

على آيه بتمشي بفضل الله على أرض حنين

على بدر مازال بيدور ويدور بين الأفلاك

الشمس معاك دفيانه يا طه بنهر دفاك

وحمام الدوح

باصص على ضي عنيك فرحان

ريحتك قرآن ..

ريحتك قرآن ..

ريحتك قرآن

ريحتك أحاديث

ومازال جبريل قاعد وياك .. والرب جليس

وونيس القلب يمام بيغنى ..





عشان لقياك فوق الأشجار
الخير .. لوفيه فى الدنيا جفاف ..
عندك أنهار
والنار بتحوم حوالين كفار
بيحوموا يا نور حواليك علشان ..
يقدرُوا يؤذوك
يا يتيم وفقير من بدء الكون
ويا أغلى كتير من أى ملوك
حبوك .. كل اللى شافوك عرقان
فى خروجك يوم من قلب الغار
وكأن حراء ..
مخلوقه لوحى الله يا رسول
وكأن حراء ..
إختارها الله لكلام الله
الله الله الله الله



على عابد لما يلاقى مناه
يا اللى انت مناك كان القرآن
مرسل عدنان .. وآيات وجدان
وصحابه معاك طول المشوار
ثوار ثوار ثوار ثوار
يفدوك يارسول بالروح والعين
ويدافعوا إن يوم حاولوا الكفار
يا رسول يأذوك
الناس يا حبيب
تتملى فى حسنك ويا نجوم الليل
ترفع فى إيديك .. تصبح قناديل
بتنور بالقرآن
ويدور قلبك ع التايهين
يا حبيب الكون يا أمين ..
يا سراج م النور



يا نجوم بتدور دابر ما يدور
علشان ما تطهر كل الكون
يا سلاح مسنون
بالحق ونهر العدل بنور إخلاص
حواليك الناس
حاضنينك فين ما تروح يا حبيب
حواليك الناس
خايفين من غدر الديب يأذيك
بيخافوا عليك ..
يسهروا لو نايم جوه الدار
دا لحد يا سيد الكون ماتقوم
شجرة صفصاف مستنياك
قاعد حواليها آلاف وآلاف
أفواج .. أفواج
حجاج لرسول الله حجاج



والقصد علاج من ضيق الروح
توصل .. ف الكل يقوم ويقوم
قلب الواقفين دائما مرجوف
تقعد .. يقعدوا وياك يا رسول
ويطول القول ..
على كل القاعد ..
لاجل ينول شرف التسليم
تعظيم تعظيم تعظيم
وكمآن تسليم .. لله فى أمور كل الأكوان
ولا كائن كان ..
يقدر يا حبيبى يطول فى ضياك
ولا يقدر يتحداك مخلوق
يا واخذنا لفوق جوه السموات
بنصلى عليك جوه الصلوات
وننادى عليك لو واحد فات ..



من غير ما يصلى عليك يا إمام
يا شמוש إسلام موجود ع الكون
وف كل مكان نلقاه محفوظ
بنفوز وياك بالنور والجاه
الله الله الله الله

ع الهادى .. رقيق جدا فى خطاه
وكلامه بيشبه أحلى نسيم
ينظر للغيم ..

يتحول نور وزهور وطريق
وصديق بيخاف على شئ محبوب
أبيض فى التوب ..
أبيض فى القلب ..

وأبيض جدا فى الأحاديث
يا إمام ولا كنت رئيس للقوم
بتزور السائل والمحروم



وتروح على أى يتيم تداديه وتلاعب فيه
وتسمى عليه .. بعدين ترقيه
وبتسأل طول العمر عليه
دا لحد ما يكبر يبقى معاك ..
عاش فى ضياك
وتفوت على كل الناس القاعده بتستناك
تتهجى ضياك ساعة ما تفوت
ويموت الصاحب ..
تبكى عليه .. تخرج وياه
وتردد آيه وراها الآيه وتحضن فيه
وتسيبه فى قلب القبر وترجع ويا الناس
تحكيلهم عن أسرار الموت
وإزاي بنقابل رب روءف
وإزاي فى الحرب بنبقى صفوف
وصفوف وصفوف وصفوف وصفوف



وإزاي القلب إن كان ملهوف ..
للجنه بيوصل ليها قوام
وإزاي المؤمن لازم يبقى هناك قدام
يصبح خدام
للعائز شئ لله معلوم
يا كبير القوم .. وعزيز القوم
هاتدوم الدعوه لأخر يوم
وتقوم م النوم
فايق علشان تنصح خلان
وتقول قرآن
الزان فى إيدك يصبح شفاف
عمرك ما تخاف من أى بذئ
ولا شوك محطوط فى طريق النور
ولا كلمة زور من شخص جبان
الخطوه معاك فدان وتزيد



والضلمه معاك بتقيد أقمار
والدار تتملى .. بريحان وحنان
فى دخولك ليها مع الأحاديث
إبليس بيشوفك ..
يهرب بره ويجرى بعيد
يا ليالى العيد ..
فى سنين الحزن على الرفاقت
لو صاحب مات
يلمحوا فى دموعك ع الخدين
تقعد بين كل الصحبه حزين
تقراله الفاتحه بصوت مسموع
يقروها معاك .. يقروها وراك
وتزور العيله وتقرى معاهم فى القرآن
على روحه وروح كل الأموات
بيفوت الشهر عليك إن فات



على عيش مع زيت
ولا نار اتقادت جوه البيت
والجوع يا حبيب القلب مميت
وانت الشبعان من وحى الله
وحى الرحمن ..
شبعان بحديثك والقرآن
بالناس فرحان
بقى عندك جيش .. صاحى وبتار
يقدر فى دقيقه على الكفار
عابدين النار
يقدر يحيمك ويا الأصحاب .. من ليل غدار
من تلعب كان مسعور ولئيم
فى الآخر قال ليك التعظيم
ليك التسليم
إن الرحمن هو الموجود



والراحة هاتبقى صحيح فى سجود
الله معبود

بیسود ع العالم فین ما یكون
ویكون فى العون .. لو عبد ناداه
یفصل ویاہ .. یحرس فى خطاه
لو سمى یا طه فى ليله عليك
الناس ماشیین دایما حوالیک
ولسانك رایح رایح جاى
بیردد فى الأحادیث الطاهره
وینصح دایما فى الصاحیین
ببقول ع الموت .. بوابه لعالم كله جدید
یسلم للدنیا لسانك ألف جناح
وریاح إلهیه بتقلع نخل الخوف
والرب روءف حارس فى خطاك
تقعد تتجمع كل زهور الكون حوالیک



تناديك وتقوم للصلا ..
ع السطح بيدن ليك الديك
تنتهى م الصلا ..
مليون إنسان وملاك حواليك
تفرك فى إيديك ..
فيفوح العنبر والياسمين
وياك ملكين .. باصين لعنيك
وبيقروا الفاتحه
ان شافوا عيونك لحظة ياطه بتسعى لنوم
ولا كنت فى يوم من ناس محروم
دا لأن الكل معاك على طول
يا نبى ورسول
وأصول الدنيا فى كلامك للأصحاب
ينقل الباب .. تحكى لخديجه عن الأحداث
وإزاي يارسول بعض الأنجاس



لسه واقفين شايلين فى رماح
مع إن صباح الكون فى الكون
كان واصل نوره لكل الناس
بس الخناس بنيرانه بيلعب فى الكافرين
تحكى لخديجة عن القاعدين ..
يستنوا قدومك ليل ونهار
عن فرحة كل الدنيا بأن الله موجود
وبأنه أساس الخير والجد
وبان الكفرنيان ونيران
وإن البهتان ..
بيوصل صهد (سقر) فى ميعاد محتوم
تخرج .. فتلاقى الدنيا غيوم
فتبص عليها .. فى لحظه تزول
وتقول يا رسول



(انا غيمه يتيمه بصلى عليك
واتحول مطره تبوس فى إيديك)
تمشى والناس ..
تتلف بفرحه يا طه عليك
فى الروح يشيلوك
توصل للقاءه القش الخوص
ف تلاقى الناس ..
م النجمه هناك قاعدين والشوق ..
فى قلوبهم يمكن يملوا العين ..
بلقاك وضياك
لو حد رأك
بيلاقى فى جيبه زهور وعطور ..
وحنان وربيع
الأتى إليك عمره ما هايضع
ولا يوم هايدوب غير فى الصلوات



فى قلوب الناس زادت حسنات
وميزان الحب صبح مليان
أحاديث قرآن وكلام مكتوب
مخاليق بتدوب ويا العدنان
قران بيخلى الروح تنحاز ..
للحق وتصبح بدر شريف
الله يا عفيف الروح والعين
الله يا رغيء الضوء والشوق
أوقات يا حبيب الله بحنين
ترجع لخديجه الطاهره حزين
(الوحى الآتى اتأخر ليه ؟
جبريل يا خديجه وحشنى بشكل غريب
مشتاق لآيات الله)
تنزل فى آيات المولى عليك .. ترتاح
ترسم مفتاح الحب على الأبواب



جبريل كان غاب .. ورجع بحروف قرآن

مكتوب

دمعك ببيان مع كل سؤال

وان ضاق الحال يوسع وياك

تحلو القعده معاك يا رسول

والخير بيكون ..

حوالين الصبحه سيول وسيول

والسهره تطول ..

على ناس قاعدين وياك صامتين

فى القلب حنين

والروح بتروح عند الرحمن ..

تتملى بضياه

الله الله الله الله

على قولك لما البدر يقول وياك قرآن

على حسنك جوه عيون وعيون





على (كن ف يكون) ..
وياك فى صلاتك للمحبيب
على ناس بتتوب وياك على طول
ويشيلوا سلاح ويحاربوا وراك
على كون يا حبيب بينادى وراك ..
لله علشان ينصر فى حبيبه على الطغيان
حافضين أحاديث .. شايلىن قرآن
هاجر وياك .. أقمار الأمه ..
وفضلوا هناك وياك على طول
حببت يا رسول كل الأنصار
وصيت الناس ..
على كل صديق فى مدينة الضوء
(كل الأنصار ..
طالعين ويايا لفوق يا أصحاب عند الرحمن
الله يا رسول عدنان وروءف)



الله على ناس بتطوف على طول ..

حوالين البيت

لهذاك حبيت .. وبشوق القلب الحابر جيت

شوفتك والنخلة بتسند ضهرك وسط القوم

بتئن وينعم جذر النخلة علشان يرضيك

الله يا رسول على ضي عنيك

الله على نجمك عالي ما بين مخاليق الله

الله على أحلى حديث موجود ومعاه قرآن

الله على نور رحمن ورحيم

بيبارك كل الكون بالضوء

الله على نظرة حب بشوق ..

من كل الصحبه إليك يا رسول

يا سيول من مطر الخير والنور ..

ع الأرض إن كانت لابسه جفاف

أو كانت يوم محتاجه لحاف



يا رسول ولا عمرك يوم هاتخاف ..
من ظلم وغدر صفوف كفار
قاعد وكأئك جوه الغار
والناس قاعدين يا حبيب حوائيك
بيصبوا بشوق لعنيك يلقوك
ملفوف بالضوء
والنجمه بتاخذ نورها الزاهى ..
يا نور النور ..
من ضى عنيك
بنسمى عليك .. ونصلى عليك
ونروح وياك للغار نرتاح
جبريل بيجيلك بالمفتاح
تنزل فى بحور النور يا رسول



[إزاي الحال]

بتقولها لكل صديق مغلوب
تستغفر كل دقيقه لرب الكون وتتوب
مع إنك كامل مش موجود فى القلب ذنوب
مع إنك طاهر " جسم وتوب "
مع إنك نسمة حب وشوق وحنان وعبير
مع إنك شجرة ضوء الخير
بيغنى الطير .. لو خارج جوه الخلا..
علشان ترتاح
شايلى مفتاح ..
لبيبان مليانه آيات وآيات
ويحين يا رسول وقت الصلوات
نلقاك ملهوف على سجدة شوق
تطلع على فوق بالروح وتجيب ..
وياك نجمات



الليل من بدرى يقيد حسنات
وان واحد فات ..
من غير ما يصلى تقول وتقول
ربنا يهديه
لينا يوديه علشان ما يكون ..
مسلم بصحيح
لا أهنت أسير .. ولا دوست جريح
ولا كنت فى يوم غير عبد الله
راكع لله .. ساجد لله
عاشق فى البحث عن التجديد ..
فى حياة الناس
مليان بحماس ..
توصل بالدين لجميع الكون
ويكون فى العون .. لاجل الخلان
قرآن فى عيونك ..



ماشى تقوله لناس قاعدين

مستنيين ..

علشان ما تهل عليهم دايمًا بالأحاديث

أصبحت أنيس

للكل فى أى زحام موجود

ورجعت لمكة بعفو شريف

تشریف للدين .. على إنه تسامح مهما يكون

تشریف لضياك يا رسول مبعوث

الصوم والقوت

والحيا والموت

والصمت ..

وصوت الحق ان كان زلزال يارسول الكون

وتقول لبلال إدن يا بلال

علشان الروح ترتاح وتروح مع ضى الله ..

إدن با بلال بكلام الله يرتاح البال





يتحسن حال القلب قوام
يحيا الإسلام فى قلوب عشاق
ومفيش لا فراق ولا حتى بعد
تبدأ يا ميلاد ..

بميلاد الهادى يتيم ووحيد
علشان مايفوت العمر عليه
ويجيب العيد
ماشى والإيد فى الإيد يا رسول
محمول ع الناقه من الأصحاب
مفتوح الباب
دايما للكل ان كان محتاج
تعالى الأمواج ..

وتغرق كل قريش م الخوف
قلبك ملهوف .. يا حبيب القلب وضى العين
الصعبه خلاص صبحت ملايين مع رب عظيم



يا رسول مبعوث من رب كريم
زاد التكريم من كل الناس .. حتى الأعداء
بتزيل الداء .. بالرقوه وسوره من القرآن
وتفوت .. أوقات زى البركان
وساعات كنسيم
الله يا كريم .. يا حليم .. يا إمام
الله يا عظيم فى قرابتك دايم فى القرآن
فى خروجك دايم للخلان
لابس والتوب .. يشبه لسحابه فى قلب نجوم
لو شافك قلب الناس بيقوم
ويدق بفرحه على الأبواب
كل الأصحاب ..
تخرج علشان يا رسول تلقاك ..
واقف على باب الله بخشوع
تتحول كل الصحبه صفوف



وتطوف حوالين الكل بشوق
وتبارك دايمًا في الموجود
الجود وياك يصبح أنهار
والدنيا معاك توسع وتزيد
والعيد بيدق لكل الناس
بيدوس على كل شيطان خناس
وتقول بالصوت أخضر ورقيق
الله وياكوا في كل طريق
وملاك الحب صديق ورفيق ..
ليكوا في دروب مليانه هلاك
يا عبد الله الرب معاك
خليك وياه
الله الله الله
على طه في سعيه ما بين الناس جوه
الأسواق



أخلاق ..

بيحاول يزرع جوه الناس أخلاق
ينصح فى البايع يبقى سمح فى البيع
ينصح فى الشارى ..
فيبقى رقيق دايم فى شراه
يا رسول الله .. حوالين خلان
قاعدين علشان يقرأوا القرآن
وتفسر ليهم كل آيات الله بوضوح
ياحبيب القلب وروح الروح
الصدق ما بين الناس مسموح
والكذب ما بين الناس مرفوض
وتعود من تاني وتشرح فى الأحاديث يا رسول
وتناقش كل الناس فى أمور
تلعن فى الزور مع أهل الزور
يدخلك النور فى الليله الواحده يا هادى كيتير



وتبص عيونك عند الطير
فجأه يغنيك يا مختار
ويرفرف .. توصل نسمة حب لخدك طول اليوم
قمر الإخلاص بيراقتك ليك ونهار يا حبيب
ويجيب علشانك نجمة حب رقيق وبرئ
يزرعها بنوره على الشباك
فياخذها ملاك ..
يزرعها بشوق في جيبك لأجل تبان للقوم
تصحى من النوم على صوت الناس
عايزك يا حبيب
والكل بيترجاك يا رسول
والكل بيتمناك تداديه
وتطبطب تانى عليه يرتاح
الله على سعيك وانت في كل بلاد الله .. دائما
سواح



علشان أفراح الدنيا تسود
والكل يكون فى ركوع وسجود ..
فوق الحصوات علشان الكل يقول يا حبيب
يحيا الإسلام
الله على نورك وانت فى سكك النور قدام
خدام للكل وحامل للإسلام
وسلام على كل الأمة .. رسول مبعوث
لا حلت فى يوم بفلوس
ولا لحظه شافوك الناس بتدوس ..
على كافر دايس ع الأصحاب
الباب مفتوح والزاد موجود
ولا شئ خليته يسود ع القوم .. غير الإسلام
ولا شئ هايسود غيرك يا رسول
ولا شئ هايعود أبدا للناس ..
بعد الأزمان غير القرآن



غير كل حديث أصبح ويانا ..
فى كل لىالى الشوق والضوء
الدين مش ممكن يوم يتباع يا حبيب فى
السوق
ولا يوم هاىضيع
فيه ناس تشتري فى نجوم الله ..
مع ناس بتبيع
يا ربيع الكون والدنيا جفاف
اللقمه الحاف ..
تشبع فى خديجه ومهما يكون ..
بتكون شبعان
وياك قرآن ..
تقراها علشان تهدي الحيران
علشان الكون يصبح إنسان
ولا مبدأ تانى يدسوا عليه



العبد الصّح إله الكون دائماً يرضيه
م الخير يعطيه
بعدين يا حبيب فجأه يخليه ..
عابد وحويط فى علوم الدين
يا حبيب الروح والعين والكون
الله بىكون ويا الإحسان .. دائماً فى العون
مع (كن ف يكون) .. نلتقائك مختار
ساجد بدموعك للغفار
جبار السما والأرض وكل كيان
دايماً موجود
يا سجود لله بين الصلوات
يا عمود الدين ..
وأساس الدين وشرع الضوء
بتریح بال قلب المخلوق
وبتأخذه لفوق عند الرحمن



يتدواى بأيه من القرآن
وبضیی حدیث مکتوب فی کتاب
الله تواب .. بتقول وتقول
ویطول القول فتعید وتعید
الرب حمید .. الرب مجید .. الرب غفور
ممنوع یا صحابی نمیمه وزور
ممنوع الکذب وسب الناس
حاضر یا آمین
حاضر یا حبیب القلب ونورالروح
کان قبلك کل الکون مجروح
ولفین مانروح نلقى البهتان
کان قبلك کل الناس أصنام ..
ومفیش إنسان
جیبت القرآن ..
م الغار مع نور وحنان جبریل



شدينا الحيل ..

وصبحنا بفضل الله أركان دين الإسلام ..

يا رسول يا ختام

عاشقينك ليل ونهار والشوق ..

فى ضلوع الكل ..

ونفس الكل فى يوم يلقاك

الروح مشدوده إليك ومعاك

وهواك بيhez نخيل الضوء

والشوق والنور

والقلب الصافى أسير فتواك

يا أصيل على كل صنم بيثور

البدر بدور

والضى معاك ع الكون بيدور

يملى الأرواح بكلام الله

ويكون الندهه لصاحب تاه ..

بين الطرقات

تمشى بثبات ..

فتزغرد كل الأرض الصابره لوقع خطاك

ويسير الكون وياك في حماك

فرحان بلباقك .. يا حبيب الضوء

مشتاق والشوق .. باين فى لقاءك

والكل بشوق مؤمن بضياك

يا رسول الله والكل معاك

على مدد الشوف

يا طريق معروف ونخيل إحسان ..

عدنان مصنوع على إيد الله

كامل فى صفاتك مهما يكون

واصل للملأ الأعلى وحاسس بيه

بتعامل كل ملايكة ربك

بعد وصول جبريل



أصبحت بقلبك حلقة وصل ..
ما بين الأرض وبين رب السموات
معصوم من كل شيطان خناس
عمرك ما مدحت في يوم اصنام
بتنام في حراسة قلب ملاك
وتقوم نلقاتك ..
بتنور كل الكون بضياك
حذرت الناس ..
من كتم العلم عن الإنسان
مبعوث من رب العزه ..
مبشر لنا بنور مع نور
الرحمه في قلبك بحر وألف محيط حساس
تدخل ع البيت ..
تتبسم ليك كل الجدران
تقرا القرآن

تترعرش الأرض ..

وكل جبال الكون يا حبيب

تحتاج فتلاقى الرب معاك ..

يا رسول فى العون

فى وجودك خير .. من بعدك خير

معصوم يا رسول .. من كل ذنوب

شايلى فى هموم الغير على طول

حتى الكفار

ذكرك ويانا فى كل صلاه

متوكل .. عمرك يوم ما رضخت لخوف

كان قبلك ألف ضلاله ..

وألف جهاله وجيت ياشفيح

خليت بالنور الجهل يضيع

يا إمام للناس ..

لو صادق ورافعه الإيد لله



يا شفيح ومطاع بين كل القوم
يا مجاب من عند الله يا رسول
يا شعاع محمول ..
من كل ملاك موجود فى الكون
شرفت مدينتك لما هاجرت إليها فى يوم
شرفت مدينتك بعد الموت
ومازال الناس .. بتفوت علشان ..
تترحم .. تقرأ الفاتحه عليك
وتسمى عليك .. وتصلى عليك
يا رسول
ومازلت بترقى جميع أطفال الكون
تترمى على صدر الشيخ بحنان
تنصح فى شباب الأمه ..
بصوت مرعوش من كُثر الخوف
الخوف على شرع الله



على ضيِّ صبح قنديل في الليل
على أغلى كتاب مبعوث للأرض عشان ترتاح
يا صباح العاشق والنعناع
لو باع الكافر نفسه .. بتنصح فيه
يا رسول ما نامتشي عنيه في الليل
غير لما صاحب نام وارتاح
غير لما الكون اصبح إسلام
وبقيت يا رسول للدنيا إمام
وبقيت قدام كل الطواير
كان خط السير .. من عند الله
أهدى الرحمن .. بيبك قلب الضال ..
وقلب الفاسق بالبهتان
قلبك مغفور من رب مجيد
ووجودك عيد عند الأصحاب
فاتح في الباب لجميع الناس



والناس قدام الباب طوابير
يا نظام من عند الله مكتوب
بتدوب فى صلاتك (قرّة عينك) يا معصوم
شاهد لصحابك بالتوحيد
ومبشر ليهم بالجنات و ثواب مشهود
وكمال وجلال من رب عظيم ..
دايما معبود
وجمال وشجاعه وحلم رقيق
زارع فى طريق الله حسنات
صلوات يا رسول
ورضوخ للقول لو م الرحمن
إنت المبعوث .. رحمه على الناس ..
وانت العدنان
وانت اللى تبان بعد الإسراء
إنسان معصوم



راجع من رحلة رب مجيد
وياه العيد .. وحكاية حب عن المعراج ..
وبراق الخير
ربك يا حبيب الله إعطاك
الرؤيه الواضحه لشيء مكتوب
والقرب الصافي من الرحمن
والوحي .. وضى شفاعه..
وضى وسيله .. وضى فضيله ..
ودرجه رفيعه .. وكوثر ويا تمام النعمه ..
وعفو إلهى لكل مافات
وهدايه .. ورحمه .. وطاعه .. ورفع الذكر..
ونور الحكم مابين الناس
إختارك رب الكون يا رسول
علشان تحميننا من التوهان
علشان تعطينا الزاد حسنات



عمرک ما حاولت تجور على ظالم مهما يكون
فى الكون يا حبيب كنت الإنسان
ثابت ولا خاف ولا عمره يخاف
سيف الإسلام .. كان سيف شفاف
بيصيب العاصى ويدخل عادل فى الكفار
سيف الإسلام كان نور مع نار
والدين أزهار ويا الصبار
وانت يا كحيل العين يا رءوف
بتشوف الكون من خلف جدار
وبتسمع حتى أذان الديك خلف الأسوار
وان جار على بيتك ديب ملعون
بتمد إيديك لسميع غفار
ماشى والدنيا سكون .. والليل ع الكون ستار
وجميع الناس نايمين فى النور
وترن خطاك ع الأرض ..



تغنى الأرض بصوت مسموع
ويزول الجوع من قلب الناس
لو يوم مریت على ألف طريق
بتسيب المسك يدل الناس على إنك جيت
بتكون فى الضلمه تماما زى الضوء
وتحس بحال الكل يا طه بدون ما يقول
إنسان ورسول وحمول وعفيف
لك جوه قلوب الناس تشریف
ماشى وكأن الأرض بتطوى إليك
راجع وملايكة نور حواليك
وتمد إيديك .. تتملى خيرات
الله على أغلى رسول مبعوث ..
واصل برسالته إلى السموات
شادد فى رحاله لكل دروب الخير والنور
بیشد فى حيله يوماتى عشان ..



توصيل الدعوه لكل مكان
يا فصيح وبليغ وقت التبليغ
يا خطيب الأمم بحكمه سليمه ..
وحرف سليم
الإيد العليا معاك يا كريم
بتساوى ما بين العربى ..
وبين العجمى بشكل عظيم
وبتنصح كل الناس بالتقوى وحب الله
وبأن السلم حلال وسليم
وان الأخلاق الطاهره ..
هاتبقى معاهم فى الملكوت
ونهيته عن شر القيل والقال
حذرت الكل من الأفعال .. لو فيه أخطاء
من إن الناس تبقى بوشين
يا حبيب يا أمين



يا صراط علشان إنسان معوج
فى دخول وخروج ..
البسمه بتملى خدودك فىن ما تروح
يا حبيب الروح ..
الكل بيرجوا شفاعتك يوم الدين
علشان فى الآخره هايملوا العين ..
بجمالك لما تهل يا طه على الأطهار
ويشوف النار ..
يسجدوا بقلوبهم للجبار
يا رسول والناس حواليك ملايين
ولا شخص حزين ولا شخص غريق
ماشى وجميع الدنيا معاك
بتنادى مازلت على الأصحاب
يصحوا الأصحاب ..
يتوضوا .. يصلوا بدمع وراك



يسهرُوا وياك
ويقيدُوا عنهم ..
ليك يا حبيب المولى شموع
صوتك مسموع من غير ما تقول
يا نبى .. يا رسول
بتقول قرآن لآله الكون
وتقول يا حبيب إن الحسنات ..
بالحب هاتمحي نيران الزور
وان المغرور رايح ع النار
وإن اللى يآمن عمره ما يلدغ يوم ياصحاب
من جحر رهييب
وانك يا حبيب .. خاتم لجميع أديان الله
يا جهير الصوت ..
وجميل المنطق بالأحاديث



يا جليس للمؤمن لو محتاج .. لجليس

يهديه

أو شئ يا رسول بيفكر فيه ..

يعطيه الضوء

دمعك أوقات .. كان يبقى وضوء

وشروق للعالم لو قلقان

ومحبه ونعمه من الرحمن

تنصح في القوم ..

ما يكونش النوم دايمًا على طول

والأكل يكون ..

على قد البطن إن كان محتاج

نايم يا حبيبي وقلبك صاحي لذكر الله

بتقول لجميع القوم بثبات ..

مش عايز حد يخاف من شئ

أنا زى جميع الناس إنسان





بتوزع دائما فى الدنانير .. وإن فاض تعطيه

..

يا حبيب القلب لأهل البيت

زاهد .. لو حتى ياقوت الدنيا هاييجى إليك

خلقك قرآن

تمت مكارم كل الدنيا مع الأخلاق

أحلى الأسماء .. أعلى السماء

ما تحبش أبدا يبقى فراق

بينك يا حبيبي وبين الناس

تملك إحساس ..

وضمير ربانى ونور موجود

موعود بالوحى وبالقرآن

موعود بالحب وبالغفران

والرزق إن كان يا حبيبي شريف

القلب عفيف ..





والقلب نضيف والخير ممدود
موجود يا رسولنا في كل مكان ..
وفي كل أوان
تتبارك بك كل الأركان
وجودك جوه الدنيا عمار
تدخل ع (الغار) .. يتهز الغار
تخرج م الغار ..
تمشي الأحجار في خطاك على طول
والرب معاك مطرح ما تروح
بينادي عليك بالروح يا يتيم ..
تسمع في نداه
تمسح في دموع العين بالشال
تقعد مع نفسك لاجل تحاسب ..
روحك دائما ع الأفعال
ولا (فعل) يا سيد الكون معوج



ولا حاجه تقول قصرت معاها يا عبد الله

كامل مكمول

وبشير ونذير وسراج ومنير ورسول مستور

وبنسمع قولك مهما يطول القول يا صبور

وتصول وتجول

فى كلام ربانى حقيقى ومش معسول

أصل انت رسول الله للكون

وانت اللى مازال بيصون يا رسول

الدين والنور وأساس الدين

وانت اللى أمين الدعوه ..

وطول العمر هاتفضل لينا رسول وأمين

وأساس الكون والخير وضياه

الله الله الله

على قلبك لما يدق لكل الناس دقات

ونحس بنبضك جوه سجودنا مع الصلوات





نجنى الحسنات

وننادى عليك فى الملاء الأعلى ..

وبين أفلاك الخير ..

ومازال الطير .. بيردد إسمك جوه فضاءه

الله فى علاه بيصلى عليك

ومازالت إمام ..

على ألف طابور يا إمام النور

ومازالت زهور الحب .. مع الإخلاص والنور

على كل بيبان التقوى .. وسكك الخير

والضوء

نطلع على فوق نلقاتك قنديل

فى الأرض تكون لكل دليل .. وتكون انهار

وإن جار الجار ع الجار بتكون ..

بلسم على جرح بينده ليك

بينادى عليك جوه الأوجاع





موجود فى السكه دياب وسباع

موجود حشرات ..

نقدر نفنيها مع الصلوات

ونصلى الصبح عليك يا رسول

الرزق يجينا سيول وسهول

الله يحميننا من المجهول

يعطينا القدره ..

إن احنا ننادى عليك يا شفيع

ولا خير ويا ك ابداءا يضيع

يا ربيع بيغطى الكون بشذاه

الله الله الله الله

واقف بين كل الناس بتقول

وبتوصف جنة ربك للأصحاب يا رسول الله

وبتوصف شكل ..

النار وعنيك





بتخلى الكل يبص عليك
نسمع (نهضة) الناس حواليك
مش خوف م النار
خوفاً من غضب الله يا شفيع
علمت الناس ..

إزاي تشتري حسنات من رب الكون
علمت الناس عمرها ما تبيع
ولا لحظه تضيع فى طريق مجهول
يا نبى .. يا رسول
ماشى بأصول الله فى الكون
يا رسول فى العون لأجل اللى ناداك
لأجل اللى اتهنى بشهد ضياك
أو صلى عليك
بنحبك حب الروح للروح
ونجياك لما نحس بأن طريق الضوء ..



فى الليل مجروح
ونصلى عليك يا رسول الله
على فين مانروح
مسموح لكل يحب ضياك
ويصلى معاك ..
فى الروضه وكل مكان مفتوح
يا حبيب الروح ..
ومشينا السكه معاك على طول
وبقالنا رسول ..
يشفع لقلوبنا فى يوم الدين
وبقالنا أمين ..
يهدينا فى كل طريق وطريق
إنسان وصديق ..
ورفيق للقلب إن كان قلقان
جايب قرآن .. بيهز جبال النور والزور



يا رسول عدنان ..
مش ظالم أبدا ولا مغرور ولا كان لعان
صفة القرآن وياه أحاديث
قاعد والرب جليس وياه
والكل معاه بيشم شذاه
ويعيش فى ضياه ويا الأصحاب
واقف ع الباب .. يستقبل كل العايد ليه
كل الواقفين حواليه بنظام
الله يا إمام الأرض ..
إن كان ع الأرض سلام
جوه الأركان نورك موجود
وهواك بيعود ..
مع إنه ماغابش فى يوم يا حبيب
مع إنك قلت الدين هايعود ..
فى الدنيا غريب



بنصلى عليك ليل ويا نهار
وان مره الليل سيطر ع الدار
ننده يا حبيب المولى عليك
فيجينا ضياك
نتوضى ..

نقوم نسجد وياك

والقول يا حبيبي سلام فى سلام
واقف بتصلى أمام الصحبه يا طه إمام
ودياب حواليك ببصوا عليك
وبياذوا عنيك بتراب وحجاره وجيرونيران
أول تغيير كنت انت ضياه
" العبد لا بد يبوس يا صحابفى تراب مولا
وأنا عبد شكور "

مع رب غفور عالم بالحال
مع بال مشغول دايم بالله





الله الله الله

على قلب مساه وصباحه سجود

ربك يا حبيب الله معبود

ضد الأصنام

ضد اللى ينام .. ويسيب الغير ..

يصرف على روحه بدون ما يقوم

فى النوم بنصلى عليك يا رسول ..

فى الصبح نقول دايمًا قرآن

وان كان البال قلقان يا حبيب

بنسمى كتير ونصلى عليك

ومازالنا لحد اليوم يا أمين

ماشيين على ضى عنيك على طول

ولا كان البال مشغول بسواك ..

ما إنت الأحاديث

وانت اللى سعت للغار علشان ..



أعظم قرآن ..

وإنت اللى جعلت الدين غفران

وسلام وأمان ..

وإنت اللى زرعت فى روحنا إيمان

وإنت العدنان مع رب كريم

وإنت التسليم ..

لله فى أمور الدين يا شفيع

يا مطيع للحق ونجم الليل

ودليل على إن الدين هايسود

الجود فى حديثك ليل ونهار

والغار يا حبيبى مازال موجود

شاهد على إنك عبد الله

وبأنك حامل للقرآن

غفران .. ومفیش بعدك غفران

وبيان للعالم إنك نور





يا زهور على كل جبين النور
يا نخيل العون لاجل المحتاج
والتاج على قمر التوبه .. فى زمن القيظ
يا عزيز ع القلب .. و ع المخاليق
فى زمان الضيق .. بتخلى الكون يكبر ويزيد
وتجيب العيد .. علشان محروم
بيقول الله عنك معصوم
وانك موجود .. وانك عدنان ..
بتروح وتزور كل الأصحاب
وف كل كتاب مكتوب يا رسول
يرجع لخديجه هدمه عليها غبار وعفار
مع طن حجاره من الأندال
على نار الحطب الطاهر تدفى الميّه ..
ويحضن شعره ودقنه رزاز
يتنهد .. تنزل دمعته تبل تراب البيت



فتزهر كل الأرض الحافضه خطاه وتدوب
ويدوب العالم فى الصلوات
دا لأنك أعظم واحد فيه
عرفته طريق الحق .. وقولت إزاي يمشيه
وضلام الباطل دوست عليه
يا شفيع الأمة .. وألف ربيع فى خريف التيه
إزاي يختارك ربك ..
لأجل تكون يا حبيبى مبلغ للرحمن
وازاي غيرت الكون يا حبيب ..
من ليل بهتان ..
لنهار مليان بشعاع الخير
ولا كنت اسير أبدا يا رسول ..
غير للرحمن
ولا كنت فى حاجه فى يوم للغير
بتقول للناس الدم حرام



المال لو كان يا حبيبي حرام
هاتقابلوا في يوم وجه الرحمن
وضروري هائسأل كل قلوبكوا عن الأعمال
لو عندك أي أمانه ..
لابد تروح لصاحبها الغالي بقلب سليم
والربا ممنوع
والزنا ممنوع
خدوا بالكوا لا يدخل بينكوا شيطان
أستوصوا بكل نساء الأرض وكونوا نسيم
وياكوا كتاب الله ..
وحديث ان عيشتم فيه
مش ممكن يوم ..
تدخلكوا يا رفاق ضلاله ليوم الدين
والله لابد تكونوا اخوات
يا رسول ومازال ..



نورك بيهل علينا ليلا تى مع الصلوات

وما زالت إمام للناس ..

لو زادت ع الطرقات

القلب معاك اتملى حسنات

والباب مفتوح ..

للكل يا طه فى عمل الخير

عمر ك يا حبيبى ما كنت أسير ..

للشهو وحب المال والجاه

الله الله الله الله

ع الهادى وكل الدنيا وراه

بتصلى عليه ..

ماشى ونجوم السما حواليه

والبدر دليل

ويبص من الشباك الخوص ..

على كل نجوم الليل فى الليل





عارفاه بالسنتى نجوم الليل
وبتخجل لما يبص عليها وتفرح جدا بالقرآن
سيدنا العدنان

تعبان م الف و م الدوران حوالين القوم
سيدنا العدنان مهموم مغموم
من كتر ما قاسى من الكفار
من كتر ما داق الويل م الليل ..
وجبال النار ..

يا حبيب مختار
بنفكر فيك .. ليل ويا نهار
ونصلى عليك ..
لو حتى الجو عفار ومرار
والدار بتنور ..

لما بتدخل ليها بأحلى حديث
يا جليس لله مطرح ما تروح



وحبيب للروح لاجل الإنسان
مبعوث إنسان.. خاتم أديان
وحبيب رحمن وإله للكون
القادر كن ف يكون يا شفيع ..
ولا يوم هاتضيع بين الطرقات
ولا يوم هاتكون غير الحسنات
وسجود لله جوه الصلوات
يا إمام مبعوث ..
قدامك كل الدنيا جلوس ..
وخشوع وثبات ..
ولا ليله نبات من غير يا حبيب ..
ما نصلى عليك
ونسلم عليك علشان نرتاح
يا اللى إنت براح ..
لو ضاق العالم بالإحساس



يا اللى إنت أساس النور والجاه ..
مبعوت من عند الله إحسان .. لاجل الإنسان
وإيمان علشان نهتدى بهداك
وأمان للسائل والمحروم
يا رسول الله خيرك هايدوم
ولحد قيامة القوم ماتقوم
إسمك مش ممكن يوم هايغيب ..
عن كل الكون ..
ولفين ما نكون .. هانصلى عليك
ونردد قولك ..
كل دقيقه يا أغلى رسول
ياسيول من مطر الحب الصافى
ونهر الضوء
يغلبنا الشوق ..
ف نجيلك جوه .. القلب حنان ..

وإيمان وحنين ..

ونجيك وانت عماد الدين

قمر البلايين ..

فى جميع أنحاء الكون يا حبيب

يا طبيب علشان الجرح يطيب

ماشى والرب قريب لخطاك .. موجود وياك

مش طابق أبدا فى الأصنام .. لكنه حلیم

والرب علیم یا رسول بالحال

يهمس لخديجه

بأن الجنة بتبعت ليها سلام وسلام

تتبسم جوه عنيه السُود ..

العسلى .. الخضره .. البايينه بمليون لون

برقيها فتهدى دموعها وتحضن فيه

الله على دفء يمامه وصوت الناي

الله على بكره الجاى .. ومعاها حواديت



الله ع البيت لو فيه قرآن
الله على أغلى رسول عدنان
بيشوفه الطير .. فيصلى عليه
والنجمه تشوفه تسمى عليه
وبتاخذ منه الضوء علشان ..
تملى الأكوان
عدنان .. وحبیب .. وشفیع .. وإمام
وكمال قرآن
ماشى ع الأرض البور بحنان
الله على شمس الدين والكون
الله ع العون وقت الأزمات
تحلى الصلوات ..
من غير ما يكون وقت الصلوات
يا رسول مبعوث يهدى الأكوان
ويكون فرقان ..



وحنان بيطبطب ع المجروح
ولفين مانروح الروح وياك
والبدر بياخد ضىّ ضياك
يمشى وياك .. ويصلى معاك
ويأمن إن الله موجود
يا أساس الجود والخير للناس
يا قمر وناس فى الليل لو طال
ووتر حساس .. لو ضاق الحال
بيروق البال ..

لو سيرتك جابها القلب يا طه فى يوم معهود
أو زارك جوه مدينة الشوق
فى طريقك كان ..

القلب يا غالى حصان مطلق
ومصمم يوصل لىك علشان
ما يصلى عليك يا أعز رسول



بيقول فى غرامك أحلى كلام
السكه معاك سكه إسلام
ضد الأصنام ..
ضد الظلمات فى طريق أضواء
أحلى الأسماء ..
أعلى الأسماء وياك يا شفيع
ولا يمكن أبدا روحنا تضيع
ولا يمكن أبدا ..
يشفع لنا سواك فى الكون
الله وياك ..
خلاك علشان الناس يا حبيب ..
تصبح فى العون
وتكون فى السكه سند للروح
لو فيه مجروح ..
تدوايه وتروح وياه فى الليل



على فين مايروح

الله ع الغار ورسول الله داخل ملهوف

قاعد يستنى الوحي وينده دايمه على جبريل

الله ع الليل

لو كان بيدارى رسول الله عن عين النوم

بيحوم البوم حواليه ويزوم

يخرج م الغار ..

فى حراسة رب عزيز وحفيظ

خطوه ويكون الكل نجوم بتطوف حواليه

فجأه والدنيا تبص عليه

تتحول كل الناس لهالات

تحميه تداريه ..

من شئ مجهول

الله يا رسول

وياك الكون بيقول ويقول ..



والسهره تطول ..
ويا القرآن ويا الأحاديث
ومازلت معانا جليس يا حبيب
ومازلت لروحنا الشارده طيب
دايس ع العيب
رافض فى الكذب وظلم الناس
رافض يا حبيبى تشوف إنسان ..
من ظالم يوم ينداس ويضيع
قلبك يا شفيح ..
بيساعى الكون والناس ويفيض
الخير وياك دايمًا بيزيد
ويقيد الشمع فى ليل مجهول
انت المسؤل ..
عن كل الناس تفضل على طول ..
ساجدين على أرض الله بهدوء



يا نجوم الضوء والشوق والنور

يا سرور القلب ..

فى يوم ما يزورك بالأشواق

ولا كان فيه بيننا فراق وبعداد

لو بيننا بلاد

بنجيلك لاجل نهى الروح

بالنور .. والعين

الله يا أمين ..

على أغلى رساله واغلى حديث

وآيات وآيات وآيات وآيات

تحلى السجديات

على أرض إن طرعت بالحسنات

صبحت سجاجيد

وشموع بتقيد فى ليالى العيد

ونشيد فى وصولك ..



أغلى مدينه على السموات
وحاجات مبروكه ..
بتنطق دايمًا بالتراتيل
يا دليل للحاير والقلقان
قنديل للساير والحيران
وآيات قرآن على كل لسان
وحديث لرسول إنسان معصوم
وياك القوم ماشيين مسافات
أخذوا الحسنات من رب عظيم
ورسول يتقابل بالتكريم
وحديث بيظهر كل بيوت الكون بحروف ..
مليانه ياقوت
الله يا رسول مبعوت بالقوت
والقوت قرآن وياه أحاديث
الله يا جليس الله ..





يا جليس جبريل
يا جليس العاجز والملهوف
كل الأشياء ..
بتشوف دمعك فى سجودك ع الطرقات
بتشوفك لما تطوف ..
على كل بيوت الصحبه ..
الدايبه فى عشقك ليل ونهار
كثروا الكفار .. وأذاهم زاد
وما عادشى خلاص موجود الزاد
ودموعك زادت ..
مهما تدارى الجرح يا طه لابد يبان
الهجره ضرورى تكون
بتبص عنيك على مكه تدوب فى دموع
" يا مكه هافارقك ..
بس لا بد يكون فى النيه رجوع



يا أغلى بيوت الله
يا أحلى بيوت الله فى الكون "
بعتك رحمن السما يا حبيب
علشان ما تكون للناس فى العون
بتكون فى جحيم الدنيا نسيم
وتكون فى سلام الدنيا حديث
ومازلت جليس ..
لينا فى ضلام مالى الأكوان
قرآن فى قلوبنا مازال موجود
وقمر بيجود ع الناس بضياه
الله الله الله الله
على طه الهادى وناس وياه
على صحبه معاه ..سانده فى خطاه
على بدر معاه مفاتيح الضوء
طالع على فوق .. نازل بشروق ..



يهديه لجميع الناس فى هدوء
دا لأنه رسول علشان الناس
ولأنه شفيع ..

ضد الخناس فى حروف الليل
عاش فى الدنيا دليل للخير
والزاد للغير لو كان محتاج
يا محيط أمواج على شط النور
داير ما يدور ..

نلقاك ع السكه قمر وناس
وكلام حساس فى قلوب الناس
أجراس بتصحى الليل لو نام
دخل الإسلام ..

فى قلوب بتصاحب فى الأصنام
خلاها تفوق
تطلع على فوق ..



وتطول فى نجوم الخير والشوق
وتدوق الضى فى ليل مرسوم
نصحى من النوم يارسول نلقات ..
طالع على فوق
بتجيب للدنيا سحاب إخلاص
وكلام للناس دايماف بيفيد
وشموس بتقيد الكون بحروف ..
زى الألمانظ
وان واحد عاز القوت تعطيه
ويقولوا رسول الحق الهادى نصلى عليه
يشفع لقلوبنا فى يوم معلوم
يا رسول القوم ..
يا منور لنا فى الف طريق
الموكب ماشى بدونك وانت معاك صديق
ببيان لكل بريق



توصل لمدينة نور يا حبيب ..

على ناقة خير

وتحط الناقة بشكل غريب ..

على بيت موصوف

مأموره الناقة فى كل خطاوى الرحله بشئ

فرحانه الناس ..

بقدومك تجرى عليك أنهار

الناس بتزيد .. والخير بيزيد

ونجوم السما بتقيد للقوم

جربت لأول مره النوم

ولا شئ يا حبيب الله بيدوم ..

غير رب الكون

ولا غيره يكون أبدا فى العون

ولا غيره يكون ..

السيف مسنون لاجل الكفار ..





والغصن زيتون ..

لو تصبح كل الدنيا سلام فى سلام فى سلام

دخل الإسلام .. لبوت كفار

يحيمهم شر النار والخوف

الكل صفوف فى صفوف فى صفوف

والناس بتطوف ..

على كعبة حب فى ضى عنيه

الناس حواليه سامعين لنداه ..

والرب معاه .. والكل معاه

الله الله الله الله

ع القلب إن كان عارف مجراه ..

ع الروح لو سامعه أدان مكتوب

عائشه فى معناه .. سامعه

على أغلى رسول ..

واضح للكون والدنيا نداه



الله يا رسول

وكلامك جوه الناس نبراس

وأساس للدين من أول يوم

صاحي من النوم .. مصحف في إيديك

وملايكة نور بتسمى عليك ..

وتصلي عليك

والنور في عنيك داير ما تدور

خليت الزور يصبح مكروه

ووجوه الناس .. تتحول شمس بتملى الكون

وتكون قناديل

بلسم للروح لو ليله تميل

وحديث بيشد الحيل يا رسول

الحب في شرع المولى سيول

يا حبيب وأصول

وأيات بتطول كل السموات





لا عبت ذات ..

ولا كنت فى شرعك غير إنسان

شايلى قرآن من عند الله

الله الله الله الله

على عبد الله ..

لو يلقى مناه

ويلاقى الرب معاه موجود

يا رسول الجود

لو حتى المؤمن راح لبعيد

لازم هابعود

يا الى انت فضلت تعانى تعانى لحد الليل ..

ما اتحول ضى وهمس مريح

وميلاد الكون

كان ويا ميلادك يوم يا رسول

ولا غيبت فى يوم عن سكك الخير





الليل وياك عمره ما هايدوم
وإحنا اللى صحينا في يوم م النوم
شوفناك إنسان لكن شفاف
ماسك في إيديك يا حبيب الكون
فرعين صفصاف
واحد علشان الناس ترضيك ..
والتانى عشان ترضى العاشقين
يا أمين يا أمين
الكون مع صنم الكفر حزين
والناس يا أمين
صفين واقفين فوق الطرقات
فيه صف الزور
والتانى معاه صف الحسنات
ونبات والمصحف جوه عنينا
لفين ما نروح



ولفين مانروح ..
تفضل أرواحنا معاك ومعاك
رحاله يا هادي لحد هناك
حيث الأشواك
وياك يتحول لونها ربيع
ولقاك يا شفيع
بقي أغلى أمانى لكل الناس
نوصل لمقامك ..
نلقى الضوء وياك حساس
ونلاقى الكل بيملى مكانك بالدعوات
يا ثبات للروح ..
فى مواجهة كافر قلبه عنيد
يا آيات فى طريق ..
أصبح من كثر الشوق عناقيد
ونجوم بتقيد كل الطرقات



وإن واحد فات ..
من غير ما يسمى بروحه عليك
يصبح قلقان
يا رسول وفتحت لروحنا بيان
يفضل شباكك نور مفتوح
يا حبيب الروح
للدنيا الحايه في كل مكان
يفضل شباكك نور مفتوح
لاجل الإنسان
لاجل الإنسان
لاجل الإنسان



الفهرس

القصيدة	الصفحة
دعاء لشقيقي فيصل رضوان	
شباك النبي	
شرفنا ببوس الإيد	
إزي الحال	
إدن يا بلال	

